



ТОШКЕНТ ҲАҚИКАТИ

Вилоят ижтимоий-сиёсий газетаси

TOSHKENT HAQIQATI

1828 йил 11 декабрда асос солинган • 2003 йил 21 март, жума • №23-24 (11.514-5) • Эркин нархда сотилади

Наврўзи олам муборақ!

ЙИЛБОШИ ҲАҚИДА СЎЗ

Наврўзнинг пайдо бўлиши билан боғлиқ ажойиб иборалар, анъана ва удумлар, дилрабо куй ва кўшиқлар бор. Халқимизнинг оғзаки ва ёзма ойнома, йилномалари табиат товланишларидан келиб чиқиб яратилган. Йилнома баҳор фаслининг Ҳамал ойидан бошланади.

«Ҳамал» арабча сўз бўлиб, туркий тилда Кўзи деган маънони англатади. Қадимий мунажжимлар осмондаги ўн икки юлдуз буржидан биринчисини кўзига ўхшатишган.

Дехқонларимизга хос ой ҳисоби шу ойларнинг номи билан боғлиқ «Хут кирди — дехқоннинг ичига қурт кирди», «Ҳамал кирди — амал кирди», «Асат — экиннингни ясат» деган ибора ва гаплар бор. Буларнинг маъносини яхши англаш учун куйидаги маълумотларга мурожаат этишимиз керак.

Мазкур ойлар кўёш йилига мансуб бўлиб, унинг табиийлиги шундаки, бунда табиатдаги кўёш билан боғлиқ фаслий ўзгаришлар ҳисобга олинган. Шунинг

(Давоми 2-бетда).

Шу сонга

ДАЛИГУЗАРНИНГ ЯНГИ ҚИЁФАСИ

Бугун барчанинг дилида шоду хуррамлик, кўнгилларда Наврўзнинг ўзгача бир шукуҳи, чехраларда баҳорий гўзаллик руҳи уфуриб турибди. Яшариш, покланиш, ризқ-рўз байрами — Наврўз айёми тантаналари эрта тонгданоқ Далигузар қишлоғида ҳам ўзгача бир завқ-шавқ, тантана билан бошланди. Карнай-сурнай садолари каттаю кичикни қишлоқ марказига чорлади. Бу ер мустақиллик йилларида ниҳоятда обод бўлиб, латиф бир жозиба касб этди. Бу қадимий қишлоқ шу кунларда ўзининг янги, гўзал қиёфасида намоён бўлди. Қатор савдо-сотик, маиший хизмат шохобчалари, бошланғич синфлар учун мактаб биноси, новвойхоналар ва бошқа савдо дўконлари барпо этилди. Шулар қаторида қуни кеча Шарқ хунаромандчилиги тажрибалари мужассамлашган замонавий услубда «Bekzod» маиший ишлаб чиқариш дўкони фойдаланишга топширилди.

Тонги шодиёналар эл ардоқлаган ўнлаб санъаткорлару хушовод кўшиқчиларнинг куй-кўшиқларига уланиб кетди.

Ўз мухбиримиз.



БАҲОР КЕЛМИШ



Томингизда шивир-шивир, шитир-шитир,
Бу — баҳорнинг қадамларин товушидир.
Сўридаги пуч ёнғоқнинг пўчоқлари
Қай қарганинг қолиб кетган қовушидир.
Ранглар кирар энди гамгин ўйингизга,
Томингиздан баҳор келмиш уйингизга.

Ёмғир ювган юлдузлар ҳам қандоқ гўзал,
Ёрингизнинг кўзлари ҳам андоқ гўзал,
Қадрин билинг бу дамларнинг, қайтиб яна
Бундоқ фасл тополмайсиз, бундоқ гўзал.
Қаранг, баҳор келмиш ошиқ кўнглингизга,
Гул ўлчайди қараб қадду бўйингизга.

Эй, сен, менинг шаҳарлик оқ турнагинам,
Ярим кун ҳам сен ёнимда турмадинг ҳам.

Қиш ўртаси ногоҳ баҳор келди десам,
Зулфларингнинг атри экан кейин билсам.
Мен жой берай исларингиз, бўйингизга,
Баҳор билан сизнинг ифор тўйингизга.

Ҳижронларга тўлиқ шеърый дафтаримни
Сен варақлаб, шамол, мени ахтардингми?
Бир бойчечак, бир қаламқош қалдирғочга
Алмашдим мен бор алам, бор дардларимни.
Шеърларим-ай, армонларим ўзингизга,
Баҳор келмиш бугун кўча-кўйингизга.

Қандай ўғил бўлдим сизга, қандай жигар,
Мендан аввал баҳор сиздан олмиш хабар.
Майса бўлиб кўқариб ҳам, ота, яна
Менга таскин бермоқдасиз бу тонг саҳар.

Баҳор келмиш мангу сукут кўйингизга,
Ҳар бир майса ўхшар сўзу ўйингизга.

Баҳор келмиш, қутлуғ бўлсин ҳаммангизга!
Умр берсин бобонгиз ҳам момонгизга.
Баҳор ахир қанча шодлик, шукроналик
Келтиргуси холангиз ҳам аммангизга.
Қанча севинч гулдай қизу ўғлингизга,
Қанча кўзи олиб келар кўйингизга.

Кўклардаги тўлин-тўлин ойдаё Ватан,
Осмон десам, тошқин-тошқин сойдаё Ватан.
Ватан десам, кўз олдимга онам келган,
Онам десам, нигоҳимда пайдо Ватан,
Баҳор келмиш яна ризқу рўзингизга,
Доғ тушмасин ҳаргиз рангу рўйингизга.

Сирожиддин САЙИД.

ТУМАН КЕНГАШИ СЕССИЯСИ

Шу йил 19 март куни халқ депутатлари Қуйичирчиқ тумани Кенгашининг навбатдан ташқари сессияси бўлиб ўтди.

Унда ташкилий масала кўрилди.

Жаҳонгир Обидович Файзиев бошқа ишга ўтганлиги муносабати билан туман ҳокими вазифасидан озод этилди.

Рустам Қурбонназарович Холматов Қуйичирчиқ тумани ҳокими этиб тасдиқланди.

Сессияда Тошкент вилояти ҳокими Умнат Мирзакулов сўзга чиқди.

КАТТА ДАСТУРХОН АТРОФИДА

«Электркимёсаноати» очик турдаги акциядорлик жамияти жамоаси Наврўзни меҳнатда муносиб ютуқлар билан кутиб олди.

Маҳсулотларнинг асосий хилларини ишлаб чиқаришда режа кўрсаткичларидан сезиларли ошиб кетилди. Ишчи-ходимларнинг бир қисми баҳор байрамини иш ўрнида кутиб олди. Чунки, бу ерда ишлаб чиқариш жараёни тўхтовсиз давом этади. Сменани топширган ишчилар айём муносабати билан ёзилган дастурхон атрофига таклиф қилинди. Уларга дошқозонда дамланган палов тортилди. Ўтиришда беш юз нафар киши меҳмон қилинди.

Шундан сўнг бошланган байрам тантаналари кун бўйи давом этди. «Кимёгар» ўйингоҳи ва шу ном билан аталувчи маданият саройи, сув ҳавзаси кечгача гавжум бўлди. Уларда қатор спорт турлари бўйича мусобақалар, кўнгилоҷар ўйинлар уюштирилди, санъаткорлар ва бадий ҳаваскорлик дасталари иштирокида куй-қўшиқлар янгради, савдо ва умумий овқатланиш корхоналари хизматда бўлдилар. Шу куни жамият маъмурияси ва касоба уюшма кўмитаси вакиллари корхонада ишлаб, ҳозирги вақтда нафақада бўлган собиқ ходимлар, кам таъминланган оилалар, ёлғиз қариялар хузурига бориб, совға-саломлар топширдилар, моддий ёрдам кўрсатдилар.

Ўз мухбиримиз.

Халқимизнинг узок ўтмишга бориб тақаладиган тарихи давомида жуда кўп ажойиб, гурурланса, кўз-кўз қилса арзийдиган анъаналари таркиб топган. Улар вақт ўтиши билан мазмунан бойиб борган, ривожланган.

Шундай удумларнинг бири тарихий саналар, қутлуғ айёмларни ҳар соҳада, шу жумладан, яратувчилик, бунёдкорликда муносиб тортиқлар билан кутиб олишдир. Бу галги Наврўзга ҳам шундай совғалар тайёрланди.

Баҳор байрами арафасида вилоятимизнинг қайси бир шаҳар ва туманларида бўлманг, бунёдкорлик ишлари устидан чиқилгани ҳам шундандир. Барча ҳудудларда катта-кичик иншоотлар — уй-жойлар, ишлаб чиқариш, маъмурий, маданий-маиший хизмат кўрсатувчи муассасалар, савдо ва умумий овқатланиш корхоналари, автомобилларга ёнилғи қуйиш шаҳобчалари, бекатлар, ичимлик сув ва табиий газ тармоқлари, йўллар ва бошқа шу каби кўпдан кўп объектлар қурилди ва уларнинг аксарияти фойдаланишга топширилди.

Кутлуғ айём олдидан

учун бу йил ҳисоби «Фаслий» деб аталади. Фаслийда йил баҳорнинг биринчи кунидан бошланади ва қишнинг охириги куни билан тугайди. Йилда икки марта тун билан кун баробар бўлади. Биринчисидан кейин кун тунга нисбатан узая бошлайди, иккинчисидан сўнг эса аксинча. Кун узая бошлагандаги кун-тун тенглигидан баҳор, тун узая бошлагандагисидан сўнг куз бошланади. Кун билан туннинг тенг бўлган пайтини «этидол» ёки тенгкунлик дейилади...

Йилнинг ойлари буржларнинг номи билан аталади. Баҳорнинг биринчи куни йил боши ҳисобланади ва у Наврўз деб аталади. Қуёш Наврўздан, яъни баҳорги этидолдан бошлаб 31 кун, буржларнинг қадимги ўрнига кўра Ҳамал буржида бўлади. Шунинг учун баҳорнинг биринчи ойини «Ҳамал ойи» ёки қисқача «Ҳамал» деб атайдилар. Бу ойда экин-тикин ишлари амалий тус олганлиги

(Давоми. Боши 1-бетда).

сабабли «Ҳамал кирди — амал кирди» деган ибора қўлланилади. Ҳамалнинг биринчи кунини мартнинг йигирма биринчисига тўғри келади.

Офтобнинг бир бурждан чиқиб, иккинчи буржга кири-

Баҳорнинг иккинчи ойи «Савр» дейилади. Саврнинг биринчи куни апрелнинг йигирма биринчи кунига тўғри келади. Кейинги ой «Жавзо» деб аталади. Жавзонинг биринчи куни майнинг йигирма

ЙИЛБОШИ ҲАҚИДА СЎЗ

шини «тахвил» дейдилар. Ҳазрати Навоий ўзларининг «Фарҳоду Ширин» достонида:

*Ҳамал тахвил эткач,
меҳр-и гулчехр
Очар юз гул замона кўрган
уч меҳр,*

дейдилар. Яъни, гулчехрли қуёш ҳамалга тахвил этгач, хут буржидан чиқиб ҳамал буржигача киргач, замона ул қуёш ва табиат меҳри туфайли турли-туман гулларни очади.

иккинчи кунига тўғри келади. Жавзо кўклам фаслининг учинчи, яъни охириги ойидир.

Шундан кейин саратон ойи келади. Кейин асад, сумбула, мезон, ақраб, қавс, жадий ҳамда далв келади. Шундан кейин хут бошланади. Хутнинг биринчи куни февралнинг йигирманчи кунига тўғри келади. Шу ўринда жадий, далв ва хут ойлари қиш фаслига тўғри келишини айтиб ўтиш кифоя.

Қишнинг охириги ойи — хутда деҳқончиликка тайёр-



гарлик бошланади. Бинобарин, «Хут кирди — деҳқоннинг ичига қурт кирди» дейилишини юқорида эслатиб ўтгандик. Хут ойида деҳқонлар гап-гаштакларни йиғиштириб, шошилинч тарзда экин-тикин асбобларини тузатиб, уруғ, қўчатларни экишга ҳозирлай бошлайдилар.

Фаслий ойлари ҳозирги замон астрономия фанида «тропик йил», «астрономик баҳор», «астрономик куз» деб аталадиган мавсумларни ўзида акс эттиради. Бу эса, бошқа бир суҳбатнинг мавзуи.

«ХОЛИС-САВДО»ГА БИР КЕЛИНГ

дейди газалкентлик қандолатчи Нигора ТУРСУНОВА

«Холис-савдо» фирмасининг маҳсулотлари тез орада тилга тушиб, овоза бўлиб кетди. Баҳор рамзини берувчи қўлундайли тортлар, ёғли патири нонлар, ширин-шакар печенье ва булочкалар, ролетлар, никоҳ тортлари Ҳазалкентда бугун ниҳоятда ҳаридорғир.

— Иш бошлаганимизга энди бир йил бўлди, — дейди «Холис-савдо» хусусий фирмасининг раҳбари Нигора Турсунова. — Ўтган Наврўз байрами кунлари шаҳримиз аҳолисига дастлабки қандолат маҳсулотларини тортиқ қилгандик. Ушанда бугунги муваффақиятимизни хаёлимизга ҳам келтира олмагандик. Аммо, қандолатчи дугоналарим Дилфуза Мирзоитова, Лола Ёқубова, Сайёра Баракаевалар биргаликда ўқиб, ўрганиб, хўп изландик.

Нигора билан Ўтқир Турсуновлар оиласи тадбиркорлик билан шуғулланишга жазм қилиб, интилувчан, тиниб-тинчимайдиган қандолатчиларни тўплаб, цех очишди.

Бу ҳол Нигорани руҳлантирар, янги-янги қандолат турларини ишлаб чиқаришни йўлга қўйишга даъват этарди. Шундай қилиб, бир йил ўтиб-ўтмай, «Холис-савдо» хусусий фирмасининг ибратли ишлари юришиб кетди. Табиий, бу изланишлар ўз самарасини бериб, Нигора Турсунова ишбилармонларнинг «Ташаббус — 2003» танловида қандолатчилик йўналиши бўйича биринчи ўринни эгаллади.

— Ишлаб чиқариш майдонимиз кенг, — дейди тадбиркор аёл. — Ҳозир ишлаб чиқариш ҳажмини ошириб, яна 20 иш ўрни очиш режасини рўёбга чиқариш ҳаракатидамыз.

Ю. ЖУМАНИЕЗОВ.



Бугун қадимий бу юртнинг шаҳар ва қишлоқларида байрам сурури. Майдонлар, хиёбонларда куй-қўшиқлар янграмоқда.

Бу умумхалқ шодиёнасининг юраги — Тошкентнинг Юнусобод теннис мажмуида таниқли санъаткорлар, халқ ҳаваскорлик ва фольклор-этнографик дасталари байрам иштирокчиларига ўз маҳоратларини намойиш этишга пухта ҳозирлик кўришди. Куй-қўшиқларда Наврўз айёмининг гўзал нафосати, яратувчилик ва бунёдкорлик саховати улуғланиб, бу азиз диёрда тинчлик, барқарорлик, маъмурилик олқишланади. Бу улкан халқ байрами телевидение каналлари орқали олиб кўрсатилаётир, олис-яқин хорижга узатилаётир.

СУРАТЛАРДА: байрамолди тайёргарликлардан лавҳалар.

Нўмонжон МУҲАММАДЖОНОВ олган сурат.

БУНЁДКОРЛИК БИЗГА ЯРАШУР

вилоятимиз шаҳарлари ва қишлоқларида барпо этилган иморатлар шунчалик кўп бўлдики, уларни санаб ўтишнинг ўзи катта рақамни ташкил этади. Шунинг учун айримларини мисол тариқасида келтириб ўтиш кифоя

бўлади. Чунончи тортилган табиий газ ва ичимлик сув тармоқларини ҳисобга олайлик. Жорий йил бошидан бери баҳор байрамигача қурилган табиий газ қувурларининг узунлиги 18,2 километрни ташкил этди, 6,5

километр узунликдаги ичимлик сув қувурлари фойдаланишга топширилди. Тиббиёт муассасалари қурилишида ҳам муайян ютуқларга эришилди. Иккита қишлоқ шифокорлик пункти, қариялар сихатгоҳи, туғруқхона, дам олиш оромгоҳи ва бошқа шу каби иншоотлар қад кўтарди.

Қатор янги ишлаб чиқаришлар ҳам бунёд этилди. Жумладан, тўртта янги кичик ва қўшма корхоналар, тегиримон, гишт заводи, турли хил озиқ-овқат ва саноат маҳсулотлари ишлаб чиқарадиган 8 та цех ишга туширилди. Байрам арафасида 30 га яқин дўкон, 14 та савдо расталари, бунга қўшимча чойхоналар, қаҳвахоналар, саккизта маиший хизмат кўрсатиш шаҳобчалари ўз фаолиятларини бошлади. Бинокорлар учта маҳалланинг янги идораларини, 6 та мактаб биноларини қўшимча синф хоналари билан барпо этишди. Уларни санашни яна давом эттириш мумкин.

Энг муҳими бу яратувчилик меҳнати бундан буён ҳам янада авж олади ва она-Ватанимиз мустақиллигини мустаҳкамлаш, халқимиз фаровонлигини оширишга вилоятимиз меҳнаткашлари қўшаётган ҳисса кўламини кенгайтиришга олиб келади.

Мирсобир МИРҲАМИДОВ.

МЕҲР-САХОВАТ КУНЛАРИ

«Обод маҳалла йили» муносабати билан вилоят «Маҳалла» хайрия жамғармаси ҳамда «Қизил Ярим Ой» жамияти ҳамкорликда вилоят шаҳар ва туманлари маҳаллаларидаги кам таъминланган оилалар ҳамда етим-есир болаларни моддий ва маънавий қўллаб-қувватлаш мақсадида меҳр-саховат кўнарини ўткази бошлади.

Унинг дастлабкиси Бўка ва Бекобод туманларида бўлиб ўтди. Маҳаллалар бўйлаб айланган саховат автобуси қарийб юзга яқин дили хаста болакайларнинг кўнглини кўтарди.

Чунончи, Бўка туманидаги Жағалбайли, Бўстон номли, Бекобод туманидаги Фарҳод номили ва бошқа қатор маҳаллалар болалари бу мурувватдан баҳраманд бўлишди.

Уларга кийим-бошлар, озиқ-овқатлар ва бошқа Наврўз байрами совғалари инъом этилди.

Бундай меҳр-саховат кўнари вилоятнинг яна бошқа узоқ-узоқ қишлоқларида давом этади.

Ўз мухбиримиз.



ЯНГИЛАНИШ, ЯШАРИШ, ЯРАТИШ ФАСЛИ



Баҳорий ўғониш, Наврўз умумхалқ байрами, умидбахш кўклам юмушлари «Мева-шарбат» боғдорчилик, узумчилик ва виночилик илмий-ишлаб чиқариш корпорациясининг боғ ва кўчатзорларидан бошланади десак муболағи бўлмас. Негаки, корпорация жамоаси бутун республикага мевали ва манзарали дарахт, ток ва турфа гул кўчатларини табиат айни ўғонаётган пайтда етказиб бериш учун ишга барвақт киришади.

табий. Шу боис корпорацияга турли хил кўчатлар учун буюртма беришда жойлардаги талаб ва эҳтиёж аниқ ҳисобга олинган.

Корпорациянинг тажрибали мутахассиси Қобилжон Раҳимжонов бошлиқ мевали дарахт кўчатлари етиштирувчи бригадаси аъзолари вилоятимиз эҳтиёжлари учун 60 мингта олма, нок, беҳи каби уруғли мева дарахти кўчатларини вақтида ва сифатли қилиб етказиб бердилар. Шундан 35 мингтаси олма кўчатларидир. Ўрик,

шафтоли, олхўри, гилос каби данакли мева дарахти кўчатларидан 25 минг туп тайёрланди. Қарийб шунча ёнғоқ, бодом, хурмо, анор ва анжир кўчатлари олинди. Шунингдек, бу йил 15-20 навдаги хўраки ва винобоп 180 минг туп ток, 32 минг туп атиргул, 10 минг тупдан зиёд терак ва бошқа ҳар хил манзарали дарахт кўчатлари экиш режалаштирилган. Ҳозиргача «Мева-шарбат» корпорациясидан 35 мингдан зиёд мевали дарахт, 20 минг туп ток, 8 минг тупдан зиёд манзарали

дарахт ҳамда 20 минг туп ҳар хил гул кўчатлари олинди. Айни кунларда вилоятнинг барча минтақаларида кўчат экиш, боғ ва гулзорлар барпо этиш ишлари қизгин давом этмокда.

Шуниси диққатга сазоворки, «Мева-шарбат» корпорацияси мутахассислари буюртмачиларга сифатли кўчат етказиб бериш билан бирга, уларни экиш ва парвариш қилиш юзасидан фойдали маслаҳатлар ҳам беради. Жумладан, улар дарахт кўчатларини 2-3 ёшлигида экишни тавсия қилишади. Чунки, кўчат айнан шу ёшида попукилдизли бўлиб, экилиши билан амал ола бошлайди ва тез ривожга қиради.

Маълумки, кўпчилик дарахт танаси эстетик нуқтаи назардан оқланади, деб тушунади. Аслида мақсад бошқа. Дарахт йилда икки марта, яъни ноябрь-декабрь ва февраль-март-апрелда оқланади. Кеч кузда оқлангани дарахт пўстлоғи ёрилишининг олдини олади, ҳашарот ва касалликлардан сақлайди. Кўкламда оқлангани чилладаги офтоб таъсиридан, данакли мева дарахтларини эса, елим чиқариб, қуриб қолишдан асрайди.

**Абдусамад ЙЎЛДОШЕВ,
«Тошкент ҳақиқати»
муҳбири.**

Табриклар ва истаклар

**Ҳасан МИРБОБОЕВ,
Бўка тумани Тошлоқ
маҳалла кўмитаси**

оқсоқоли:

— Асрий орзуларимиз рўёбга чиқиб, мустақиллигимизни мустаҳкамлаб, истиқбол сари одимлаётган тарихий даврда яшаб, меҳнат қилаётимиз. Ватан маҳалладан бошланади. Шу азиз Ватан туйғуси барчамизга буюк ифтихор бахш этяпти. Юртбошимиз томонидан бу йилнинг «Обод маҳалла йили» деб эълон қилиниши узини-ўзи бошқариш идораларига бўлган эътибор ва юксак ишончининг исботидир. Чунки, ҳар томонлама камол топган, миллий қадриятлар ўзида акс этган, ёшлар қалбига иймон-эътиқод, Ватанга муҳаббат, садоқат тушунчалари сингдирилган маҳаллагина ҳақиқий маънода — ободдир.

Қадри ватандошлар, юртимизда гўзал ва сеvimли, қадимий анъаналаримиз бўлиши — Наврўз нафаси кеза бошлаган бир пайтда Тошлоқ маҳалласининг икки мингдан ортиқ аҳолиси номидан барчангизга сиҳат-саломатлик, хонадонингизга кут-барака тилайман.

Ана шу мақсадларда бу йил корпорацияга қарашли 700 гектар кўчатзорда 2 миллион 850 минг туп турли мевали дарахт, 1,5 миллион туп ток, 500 минг туп атиргул ва 300 минг туп терак ва бошқа манзарали дарахт кўчатлари тайёрланиб, буюртма бўйича тарқатишга киришилди. Ҳар йили кўкламда кенг кўламда амалга ошириладиган бу хайрли ишлардан Тошкент вилояти ҳам мустасно эмас, албатта.

2003 йил «Обод маҳалла йили» деб эълон қилинганлиги муносабати билан бу йил барча қорхона, ташкилот, хўжалик ва маҳаллаларда ободонлаштириш билан боғлиқ тадбирларга алоҳида эътибор берилиши, жойларда йил бўйи умумхалқ ҳашарлари ўтказиб турилиши

Баҳор далаларга, қир-адирларга сепини ёймоқда. Белни маҳкам боғлашга, ўзни эзгу ишларга, яратувчан меҳнатга чоғлашга ундамоқда. Бизнинг ширкат хўжалигимиз деҳқонлари айни кунларда яхши кайфиятда меҳнат қилмоқдалар.

Дарвоқе, сўзи билан иши бир сабзавоткорларимиз катта майдонларга плёнка тагига экиб қўйган қарам кўчатлари офтобдан нур эмиб, дуркун ривожланмоқда. Биринчи ишлов сифатли ўтказилаётганлиги туфайли ривожига ривож қўшилмоқда. Гектаридан олинадиган ҳосилимиз 30 тоннадан кам бўлмайди.

Ҳамма ерда иш қизигандан қизиб кетди. Бедазорларни суғоришга ҳозирлаш жадаллик билан олиб борилаётир. Буғдойзорларни кўриб, кўзингиз қувнайди. Майсалар ёппасига найчалай бошлади. Тўйдириб озиклантириладиганлиги туфайли бу йил ҳосилнинг анча эртаки ва баракали бўлиши кутилмоқда. Ҳар бир дала бошига тўплаб қўйилган маҳаллий ўғит эрта-индин шарбат қилиб оқизилади. Бу муҳим тадбир ҳам ҳосилга барака киритиши турган гап. Ўтган йили галлачиликда орзу қилинган 50 центнерлик марра эгалланган эди. Эришилган ютук билан кифоя-



СУРАТЛАРДА: «Мева-шарбат» корпорациясининг боғ ва кўчатзорларида олиб борилаётган ишлардан лавҳалар.

Даврон АҲМАД олган суратлар.



ЕР ТАФТИ

ланиб қолишни ўзига эп билмайди-ган деҳқонларимиз бу йил ҳосилдорликни камида 2-3 центнер оширишни ният қилиб қўйганлар.

Меҳнатни ташкил этишининг оилавий пудрат усули жорий этилганлиги бу ниятнинг ижобат бўлишига хизмат қилади. Дарвоқе, сабзавотчилик, галлачилик, озуқачилик тармоқларида меҳнат қилаётган юзга яқин оилавий пудратчилар ўз меҳнатлари самарасидан амалда манфаат кўраётганликлари туфайли ўз касбкорларига бўлган меҳр-ихлослари то-

бора ҳал қилувчи аҳамият касб этаётир. Деҳқоннинг омбори донга, рўзғори эса кундалик эҳтиёж маҳсулотларига тўлиб турганлиги учун уларнинг кайфияти чоғ. Яхши кайфият эса, ҳаммаша пухта ўйлаб тузилган режалару эзгу мақсадларнинг амалга ошишида катта аҳамиятга эгадир. Мана, хўжалигимиз деҳқонлари Наврўз байрамини ҳам далада, завқли меҳнат билан нишонламоқдалар.

**Жўрабой ХУДОЙБЕРГАНОВ,
Зангиота туманидаги
«Ўзбекистон» ширкат хўжалиги
бош ҳосилоти.**

ЎРМОНЛАР КЕНГАЯДИ

Оҳангарон ўрмон хўжалиги ҳар йили ўнлаб гектар майдонда тоғ ўрмонлари барпо этиш билан шуғулланади. Шунча майдондаги ниҳолларни парваришлаш осон эмас, албатта.

Шартномага кўра хўжалик бўлғуси ўрмонзор учун ажратилган майдонга кўчат экади, ижарачини минерал ўғит, зараркунанда ҳашаротлар ва касалликларга қарши кимёвий воситалар билан таъминлайди, суғориш тармоқлари қуриш ва таъмирлаш ишларини бажаради. Ижарачи эса ёш ниҳолларни парваришлайди, мол-ҳолдан қўриқлайди, суғоради, ишлов беради. Меҳнати учун муайян миқдорда иш ҳақи олиб туради. Шартномада уларни рағбатлантирувчи бир қатор имтиёзлар ҳам кўзда тутилган. Ҳозир биргина Гўшсой худудида яшовчи уч оила 50 гектар майдонда ёш ўрмонзор парвариши билан шуғулланяпти.

Ўрмончилар бу йил ҳам 150 гектар майдонга кўчат экиш ниятида. Шу мақсадда 34 минг тупдан кўпроқ наъматак, ўн минг туп олма, икки ярим минг туп арча, бир ярим минг туп ёнғоқ кўчати, шунингдек, 47 килограмм бодом данаги тайёрланди ва экиш ишлари жадал бормоқда. Ниҳоллар келажакдан эса кўнгиллари тўқ.

Неъмат ДУШАЕВ, ЎЗА муҳбири.



ҲАР КУНИМИЗ ШУНДАЙ ЎТАДИ

Юртбошимиз 2003 йилни «Обод маҳалла йили» деб бежиз атамадилар. У қанчалик обод, кўркем, саранжом-сарништа бўлса, маҳалла аҳлининг ҳаёти ҳам шунчалик мазмунли, завқли бўлади. Тошкент туманидаги Навоий номи маҳалла оқсоқоли, таникли олим, республикада хизмат кўрсатган ёшлар мураббийси Эркин Ғуломов билан суҳбатимиз шу ҳусусда бўлди.

— Тунов куни, — деб гап бошлади оқсоқол, — ойнаи жаҳонни томоша қилаётиб, бир суҳбатга кулоқ тутиб қолдим. «Бува, Ватан дегани нима ўзи?» — деб савол берди набира. Бобоси бироз ўйланиб қолди. Сўнг «Болагинам, — деди у, — бойлигинг, ҳеч киминг бўлмаган тақдирда ҳам бир амаллаб ҳаёт кечиршинг мумкин. Лекин Ватанинг бўлмаса, асло яшай олмайсан. Ватан шунчалик муқаддасдир. У тугилган жойингдан, уйингдан, остонангдан бошланади. Сўнг маҳалла, туман, вилоят ҳудудларини бирлаштириб, мамлакатни, демакки, Ватанни ташкил этади. Агар ҳар бир маҳалла аҳли, хонадон соҳиблари соғ-саломат, хотиржам ҳаёт кечирсалар, мамлакат миқёсидаги масалаларни ҳал этиш осон кечади. Демакки, мамлакат обод бўлади».

— Ўзингиз гап очдингиз, маҳаллада Наврўз байрами қандай нишонланмоқда?

— Обод маҳалла йили муносабати билан уч йўналишда дастур ишлаб чиққан эдик. Уларнинг мазмун-моҳияти ободонлаштириш, ижтимоий масалаларни қадамба-қадам ҳал қилиб боришга қаратилган. Байрам муносабати билан шу дастурни ҳаётга татбиқ этишни жадаллаштирамиз. Биринчи навбатда ҳамманинг ёрдами, ҳашар йўли билан ҳудудни ободонлаштириш, кўкаламзорлаштириш кўлами кенгайди. Бу ҳақда келишиб олдик. Ҳар бир хонадон ўз уйи олдига мевали дарахт кўчатлари ўтқазади, ён-атрофини гулзорлаштиради. Бунда, айниқса, янгидан барпо

этилган турар-жойларга алоҳида эътибор берилди. У ерларда ташкил этилган Ўрикзор, Гулзор, Обод кўчаларида исмига яраша ишлар амалга оширилади. Газлаштириш жадаллаштирилади.

— Табиийки, Наврўз ўзининг тансиқ таомлари билан одамларни хушнуд этиб келган...

— Сумалакни айтмасиз-да. Бу ҳақда ҳам ишни янгилаш этиш ҳақида келишиб олдик. Етти-саккиз хонадон бирлашиб, катта дошқозонда сумалак пиширилади. Сумалак пишириш жараёни ўйин-кулги билан ўтказилади, катта байрамга айланади. Бу бир. Иккинчидан, Наврўз кунлари ночор, боқувчисини йўқотган оилалар, ногиронларнинг кўнглини кўтаришга, уларга совға-саломлар улашишга катта эътибор берилди. Бу тадбирни фаолларимизнинг ўзлари уйма-уй юриб, амалга оширадилар. Шу билан бирга Наврўз кунлари маҳалламизнинг бир гуруҳ отахон ва онахонлари эъзозда бўладилар. Уларни махсус машиналарда шаҳарга олиб борамиз, кинотеатрларга кириб, томоша кўрадилар. Уларнинг кўнглини кўтариш учун нимаики зарур бўлса, ҳаммасини амалга оширамиз.

— Биз яхши биламиз, сизларда намунали оилалар кўп.

— Яхши эсга солдингиз. Наврўз кунлари бундай оилаларнинг ҳавас қилса арзийдиган яшаш тарзи, уларнинг комил фарзанд тарбиялаб ўстиришдаги тажрибалари бошқа оилаларга намуна қилиб кўрсатилади.

— Боя ҳар бир куни-

миз Наврўз бўлади, деб айтгандингиз.

— Бунга эришиш осон эмас. Лекин қилса бўладиган иш. Бунинг учун биз эринмаслигимиз керак. Хонадонларга қувонч улашиш, уларнинг дарду ҳасратларига шерик бўлишимиз, оғирини енгил қилишимиз лозим. Хонадонларда бўлиб, уларнинг фикрларини ўрганиб, тақлиф-тавсияларини амалга оширишимиз зарур бўлади.

— Ҳозирги пайтда соғлом авлодни тарбиялаш, шунингдек, маҳаллаларда болалар спортини ривожлантиришга алоҳида эътибор берилмоқда.

— Бизда бу соҳада ҳам айрим ишлар қилинмоқда. Тўлқин Убайдуллаев раҳбарлигидаги бир гуруҳ болалар шоҳмот-шашка тўғарагида машғулотлар ўтказадилар, спортнинг кураш ва бошқа турлари бўйича ҳам мен чемпион бўлман, деб астойдил ҳаракат қилаётган болалар йўқ эмас. Уларни рағбатлантирамиз, керакли имкониятларни яратиб берамиз. Тўғри, ҳудудимиздаги маҳаллаларда спорт майдончалари йўқ. Лекин тўртта маҳалла болалари уюшиб, 9-мактаб ҳудудидаги спорт ва соғломлаштириш мажмуасида спортнинг ўзлари ёқтирган турлари билан шуғуллана бошладилар. Куни кеча улар менинг олдимга ташаббус билан келишди. «Наврўз кунлари бекор юрмайлик, мактаб спорт майдони атрофини ободонлаштиришга биз ҳам ҳисса қўшайлик, кўчат экайлик», — дейишди. Хурсанд бўлдик. Уларга зарур кўчатлар етказиб берилди ва бу кўчатларни экиб чиқдилар.

Хуллас, Наврўзни чинакамига умумхалқ байрамига айлантириш учун бор имкониятимизни ишга соламиз.

*Суҳбатдош
Носир РИХСИЕВ.*



Янгийўл шаҳрининг «Мустақиллик» маҳалласига шу кунларда йўлингиз тушса, Наврўз байрами ўзгача бир баҳамжихатлик билан кутиб олинаётганлигининг гувоҳи бўласиз.

— Наврўзнинг ҳосияти ўзгача бўлаяпти, — деди «Мустақиллик» маҳалла кўмитасининг раиси Меливой Солиҳов. — Боғ-роғли, экин-тикинли юртимизда бу айниқса яққол ҳис қилинмоқда. Наврўз элга қут-барак олиб келаяпти. Президентимиз Фармонлари билан 2003 йил — «Обод маҳалла йили» деб эълон қилинганлиги нур устига аъло нур бўлди.

Баҳор фасли келиб, табиат уйғоняпти, кўча-кўй, дала-қир ҳар кун бир чирой очаяпти, тозалikka эътибор кучайяпти. Бу «Мустақиллик» маҳалласида ҳам яққол кўзга ташланапти. Дастлаб иш марказни ободонлаштириш, теварак-атрофни

кўкаламзорлаштиришдан бошланди. Латиф Толипов, Маъруф Ҳамидов каби қариялар бу ишда ёшларга бош-қош бўлишди.

«Мустақиллик» маҳалласида 20 миллатга мансуб 4 минг 200 дан ортиқ аҳоли истиқомат қилади. Лекин ҳамма байрамга ҳамжихат тайёрланди. Шу кунларда қайси хонадонга кирманг, Наврўз нафасини сезасиз. Камолот, Узумзор, Фидокор, Оқ олтин, Ниёзбош ва Зебуннисо кўчаларининг аҳолиси кўчаларга ва хонадонларга манзарали ва мевали дарахт кўчатлари экишди, гулзорлар барпо этишди. Бўш, овлоқ ерлар тартибга келтирилиб, мевазорларга айлантирилди. Умуман, маҳаллада минг туп терак, 500 туп мевали, 200 туп манзарали дарахт кўчатлари экилди. Ўтган шанбалик бу ишларни алоҳида

«МУСТАҚИЛЛИК»

кўтаринкилик билан яқунлашишга олиб келди. Унда Янгийўл шаҳар тиббиёт коллежи, 13-мактаб ўқувчилари, «Янгийўл биокимё» ҳиссадорлик жамияти, 100-механизациялашган колонна меҳнат аҳли ҳам фаол қатнашди.

— Маҳалламизда 46 нафар кичик ва ўрта тадбиркорлар иш қилишяпти, — сўзида давом этди оқсоқол. — Улар маиший хизмат, савдо-сотик, озиқ-овқат, техник хизмат кўрсатувчи корхоналар ва дорихоналар. Тадбиркорларимиз барака топишсин, барча ташкилий ишларимизда ҳамisha бизга кўмакдош бўлишяпти. «Ташаббус — 2001» кўрик-танлови вилоят босқичининг ғолиби

Аҳмад Раимжонов оилавий ҳунармандчилик фаолиятини юритиб, ёшлар турли хунарларни эгаллаб олишларига кўмаклашмоқда. Тадбиркор Азиза Бадинова эса, бичиш-тиқиш ишларини қизларга ўргатиб келмоқда.

— Ўсмирлар тарбиясига алоҳида эътибор билан ёндошяптимиз, — суҳбат қўшилади маҳалла посбони Набижон Акбаров. — Аввало, ўғил-қизларимизнинг бўш вақтларини фойдали машғулотлар билан банд қилиш мақсадида тиббиёт коллежимизда, шаҳар академик лицейи ва 13-ўрта мактабда турли хил спорт тўғарақлари ташкил этилган, таниқли ҳамшаҳарларимиз, фан, санъат ва маданият намоёнда-



Наврўз
Байрамингиз муборак!

БУ БИЗНИНГ АЙЁМ

Елена МАСЛАКОВА,
Бўстонлиқ тумани рус миллий маданият марказининг раҳбари:

— Шукрки, баҳор кунларига ҳам етдик. Бугун халқимиз чехрасида ўзгача табассум, қалбида буюк истаклар. Бу албатта, янгилиниш ва яшариш

байрами — Наврўзнинг таъсиридир.

Мустақиллик йилларида Наврўз Ўзбекистон халқларининг байналмилал байрамига айланди. Ўзбекистонлик ҳар бир киши бу байрамни катта тантаналар билан нишонлаши бугун анъана бўлиб қолди.

Бизнинг рус маданият марказимиз вакиллари ҳам Наврўзни мана бир

неча йилдирки бўстонликлик турли миллат вакиллари билан биргаликда нишонлаб келадилар. Сумалаклар пишириб, кўкатлардан егуликлар тайёрлаб, катта дастурхон ёзиш биз учун ҳам одатий ҳолга айланиб қолди. «Обод маҳалла йили» муносабати билан Наврўз байрами кунлари Фазалкентда

маҳаллалар кунини танловларини ўтказмоқчимиз. Товоқсойда эса кўчалар байрами бўлади. Шу тариқа Наврўз руҳининг ҳар бир хонадонга киришига эришамиз. Бунда турли миллатлардан иборат маҳалладошлар ўзлари яшаб турган масканнинг озода, сарамжон-саришталлиги, қай даражада ободонлашганлигини кўрсатадилар, шунингдек, ҳар бир миллат вакиллари ўзларининг миллий урф-одатларини намойиш этадилар.



Кутлуғ баҳор байрами — Наврўз мустақил мамлакатимизнинг барча фуқаролари, халқлари қалбига олам-олам қувонч, хурсандчилик бахш этиб кириб келди. Халқимизнинг энг қадимий байрами янги йилнинг бошланиши табиатнинг қайтадан уйғониши ибтидоси бўлгани учун ҳам уни одамлар чиндилдан, катта кўтаринкилик билан нишонлайди, унга меҳнатда, яратувчиликда муносиб тортиқлар билан келади, шу кунини тантаналар бекиёс кенг кўламли бўлади.

Бугун мамлакатимиздаги каби бизнинг кўмирчилар, кончилар, энергетиклар, бинокорлар шахри бўлмиш — Ангренда ҳам бу кутлуғ айёмга ҳозирлик ишлари анча барвақт бошланди. Республика Вазирлар Маҳкамаси ва вилоят ҳокимининг барча ҳудудларда ободонлаштириш ва кўкаламзорлаштириш чоратадбирларини амалга ошириш юзасидан қарорлари бу соҳада дастуриламал бўлиб хизмат қилди. Наврўзга

тайёргарлик кўришда барча кўрсатмаларга амал қилинди. Кўплаб тадбирлар белгиланиб, уларни амалга оширишнинг бориши устидан назорат ўрнатилди.

Шу туфайли бу йил ҳозирлик олдинги йиллардагига нисбатан анча юқори савияда уюшқоқлик билан ўтди. Айниқса, 15 мартдаги умумхалқ ҳашари шаҳар ҳаётида чуқур из қолдирди.

Шу кунини қалб амри, ватанпарварлик бурчи билан меҳнат кўйнида бўлган ҳамшаҳарларимиз катта ҳажмдаги ободонлаштириш ва кўкаламзорлаштириш, Наврўзга ҳозирлик билан боғлиқ бўлган бошқа ишларни амалга оширдилар. Хусусан, ўндан ортиқ турли иншоотлар барпо этилди. Янги қурилган савдо, маиший хизмат кўрсатиш, умумий овқатланиш корхоналари биринчи марта байрам иштирокчилари хизматида бўлади. Бозор мажмуасида 500 ўринли автомобил туриш жойи ва янги савдо шохобчалари фойдаланишга топширилди. Ўтган йили баҳор айёмигача 12 минг туп

мевали ва манзарали дархт кўчатлари, гуллар экилган бўлса, бу йил шу даврда 100 мингтадан ошдиқ ўтказилди. Қатор маъмурий ва маданий бинолар миллий меъморчилик анъаналари асосида қайта таъмирланди. Майдонлар, истироҳат ва дам олиш ҳамда болалар боғлари, шохкўчалар, ўйингоҳлар ҳамда бошқа шу каби иншоотларнинг кўпчилиги қиёфаси ҳам гўзаллашди.

Бугун шахримизда кутлуғ айём тантаналари кўтаринки руҳда бошланади. Эрта тондан карнай-сурнай, чилдирма-дўмбира овозлари барча ангреникларни Наврўзга чорлайди. Тантаналарнинг асосий қисми «Кимёгар» ўйингоҳида бўлиб ўтади. Бу ердан у шаҳардаги маҳаллаларга, даҳаларга, боғларга, аҳоли истиқомат қилувчи бошқа манзилгоҳларга тарқалади. Уларда баҳор байрамининг моҳияти, аҳамияти, тарихи ҳақида суҳбатлар бўлиб ўтади. Барча ўйингоҳлар, спорт залларида турли турман мусобақалар уюштирилади, истироҳат боғларида оммавий сайллар бўлиб ўтади. Шаҳарда барча маҳаллалар ва кўпчилик меҳнат жамоаларида дошқозонларда дамланган ош тортилади, санъаткорлар, бадиий ҳаваскорлар, савдо, умумий овқатланиш ходимлари хизматда бўлишади.

Шаҳримизда яшайдиган бир аср билан юзлашган ва ундан ошган қариялар Наврўз кунини йўқланади, уларга совға-саломлар улашиб, оқ фотиҳалари олинади. Бундан ташқари барча кам таъминланган, боқувчисиз қолган оилалар, ёлғиз кексалар ҳузурига ташриф буюрилиб, уларга моддий ёрдам кўрсатилади.

Ҳамшаҳарларимиз баҳор байрамини шоду хуррамлик билан нишонлаб, яна бир бор Наврўзга содиқ эканликларини намойиш этадилар.

Мамашариф ҲАСАНОВ,
Ангрен шаҳар ҳокимининг биринчи ўринбосари.

ФИДОЙИЛАРИ

лари билан учрашувлар ҳаммаша қизиқарли ўтаётир. Ёшларимиз ўртасида кураш, тазквандо каби спорт турлари айниқса оммалашган. Турли мусобақалар ўтказиш анъана бўлиб қолди. Маҳаллада катта бир хонани теннис, шохмот-шашка ўйинлари ўтказиш учун мослаштирялмиш. Бунда Биокимё заводи ёрдам берапти. Маҳалламизда болалар кутубхонасини ҳам барпо этаймиз.

— Тарбия ишлари кучайтирилди, — дейди 13-мактаб ўқитувчиси, тарбиячи-педагог Фотима Нишонбоева. — Шу Наврўз байрами кунларида маънавий-маърифий ишларимиз кўлами кенгайди. Маҳалламизда 540 нафар олти ёшгача,

1441 нафар 7 дан 18 ёшгача бўлган болалар бор. Ўқувчиларнинг ўқиш жараёни, хулқи, одобини назоратга олганмиш. Ўқув муассасаларида ўқувчилар маънавий-ҳуқуқий билимларини оширишда «Ўз уйингни, ўз маҳаллангни ўзинг асра!», «Терроризм ва унинг оқибатлари» мавзuidaги суҳбатлар, «Озода уй», «Озода кўча», «Энг тоза синф» кўрик-танловлари, айниқса, яши самара бермоқда.

«Мустақиллик» маҳалласи айни баҳор кунлари ўзига хос тароват касб этгани ҳам мана шу ҳамжихатликдан. Буни маҳалла аҳли ҳам яши биледи, бу билан фахрланади. Наврўз кунини маҳаллада дошқозонлар осилади, сумалак пиширилиб, кўксом-

салар ёпилади. Тўкин дастурхон устида ўзбек, украин, рус, татар, корейс оксоқоллари юртга тинчлик, ободлик, хонадонларга тўкинчилик, бир-бирларига соғлиқ тилаб, истакларини баён этадилар.

— Яна бир бор ободончилик ишлари хусусида тўхталадиган бўлсак, Ниёзбош ва Камолот кўчаларининг чорраҳасида «Мустақиллик» гузарини барпо этишга киришдик, — дейди маҳалла оксоқоли. — Бултур чойхона қурган эдик. Шаҳар меъморчилик бўлими ходимлари мана шу қурилиш режасини тасдиқлаб беришди. Гузаримизда маиший хизмат уйи, қаҳвахона, пойабзал тузатиш устахоналари, озик-овқат дўконлари барпо этишни мўлжаллаганмиш.

Ҳасанбой САЪДУЛЛАЕВ,
«Тошкент ҳақиқати» мухбири.



«ТАДБИРКОРБАНК»КА ҲАМКОР БЎЛИНГ

Республика акциядорлик тижорат «Тадбиркорбанк»и бугун ҳақиқий маънода тадбиркорлар ва бошқа ишбилармон субъектлар учун кўмакдошга айланиб улгурди. Биргина Тошкент вилояти акциядорлик тижорат «Тадбиркорбанк» бошқармаси ҳамда туман бўлимлари томонидан амалга оширилган ишлар юқоридаги фикримизнинг яккол далилидир.

Ўтган йилда вилоят «Тадбиркорбанк» томонидан, туман бўлимлари бўйича 1649 нафар деҳқон-фермер хўжалиқларига, 1991 нафар хусусий фирма ва корхоналарга, 526 нафар хусусий тадбиркорларга хизмат кўрсатилди.

Банк томонидан йил давомида хусусий тадбиркорликни ривожлантириш ва фермер хўжалиқлари учун жами 1 миллиард 200 миллион сўм маблағ ажратилиши белгиланган эди. Амалда эса бу

кўрсаткич 1 миллиард 210 миллион 600 минг сўмни ташкил этди. Яъни, режа 100 фоиздан ошириб бажарилди. Банк томонидан 284 иш ўрни ташкил этилган бўлиб, жами ажратилган кредит маблағининг 79 фоизига тўғри келди.

Республика Адлия вазирлиги томонидан рўйхатдан ўтказилган «Бюджетдан ташқари фондлар томонидан тижорат банкларида кредит линиялари очиш орқали кичик ва ўрта бизнес субъектларини кредит-

лаш» тартиби асосида ҳам талай ишлар қилинди. Хусусан, банкнинг туман бўлимлари мижозларидан 126 нафарига 325 миллион 698 минг сўм миқдорда кредитлар ажратилди.

Шунингдек, вилоят «Тадбиркорбанк» Республика Президентининг «Банк тизимини янада эркинлаштириш ва ислоҳ қилиш борасидаги чора-тадбирлар тўғрисида»ги Фармонининг ижроси бўйича ҳам қатор тадбирларни амалга оширди. Банк таркибида шаклланди «Имтиёзли кредитлаш махсус жамғармаси» томонидан 2002 йил давомида 12 та хўжалик субъектларига 25 миллион 124 минг сўм имтиёзли кредитлар берилди.

Банкларнинг асосий мақсадларидан бири — аҳоли кўлида бўш турган маблағларни омонатларга жалб қилиш-

дир. Бу борада ҳам вилоят «Тадбиркорбанк» томонидан қатор амалий ишлар қилинди. Чунончи, олти ой муддатли бўлган «Тадбиркор» мақсадли омонат тури бўлиб, 35 фоиз фойда олиш имконияти мавжуд. Маблағ миқдори эса 5 минг сўмдан кам бўлмаслиги лозим. Ана шундай омонат турларидан бўлган йиллик фойдаси 40 фоиз бўлган «Севинч» омонат тури, катта миқдорда маблағ қўйишни талаб этадиган «Хирмон» омонати ва бошқалар шулар жумласидандир. Ушбу омонат турлари бўйича ўтган йилда сезиларли самараларга эришилди.

«Тадбиркорбанк» ўтган йилда қайта ишлаш корхоналарига аҳолидан ва деҳқон-фермер хўжалиқларидан харид қилинадиган қишлоқ хўжалиги маҳсулотлари учун ҳисоб-китоб

қилишга нақд пуллар ҳам бериб борди. Ушбу маблағлар миқдори 300 миллион 328 минг сўмни ташкил этди.

Вилоят акциядорлик тижорат «Тадбиркорбанк» ўз молиявий имкониятларини кенгайтириш мақсадида яна иккита туман бўлимларида мини банкини очди. Бу эса ўз навбатида кичик ва ўрта бизнес субъектларига хизмат кўрсатишни ривожлантириш билан бирга қўшимча мижозлар жалб қилиш ҳисобида банк даромадини оширишга имкон яратди. Шу сабаб, вилоят «Тадбиркорбанк» тадбиркор ва фермерларни ҳамкорликка чорлайди!

Иброҳим САЛИМОВ,
Тошкент вилояти
акциядорлик-тижорат
«ТАДБИРКОРБАНК»
бошқармаси бошлиғи.

Тошкент вилояти акциядорлик-тижорат

«ТАДБИРКОРБАНК»

баҳор айёми

Ўзаврўз

**билан Ўзбекистон халқини
ҳамда ўз акциядорлари
ва мижозларини
муборакбод этади.**

Яшариш

ва янгилашиш тимсоли

«Наврўз» юртга фаровонлик,

ҳар бир хонадонга тинчлик-хотиржамлик,

қут-барака, соғлик-саломатлик

олиб келаверсин.



Акциядорлик-тижорат

«РАХТА  BANK»нинг

Тошкент вилояти бошқармаси

барга ватандошларимизни

 **Наврўз** байрами билан
муборақбод эшадди!

Баҳор байрами қалбларимизга қувонч бахш этиб,

унинг яратувчанлик куч-қудрати энг эзгу

тилакларимизнинг рўёбга чиқишига хизмат қилсин.

Халқимиз турмушини фаровонлаштириш йўлидаги

эзгу орзу-умидларимиз ижобат бўлсин.

Хонадонингиздан тинчлик, тотувлик аримасин.



«РАХТА BANK» – муваффақиятлар калитидир!

Халқ ўлмас, томчи ҳам демак ўлмайди



Мумтоз шеърятимизда Ўзбекистон халқ шоири, Ўзбекистон Қаҳрамони Абдулла Орипов номининг пайдо бўлиши тонг юлдузининг тугилишига тенг воқеа бўлганди. Уша тонг тимсоли, тонг тасвири ёруғ дунё зиёсидай, ёлқинланиб кетганлиги ҳам рост. Чунки, Абдулла ака уйғониш фасли — Наврўзнинг илк кунда дунёга келган.

Унинг дилбар, кўнгилга яқин, фалсафий шеърлари, достонлари ҳаммамизнинг кўнгил мулкимизга айланиб улгурган.

Сўзни мухтасар қилиб, ардоқли шоиримизни Наврўз айёми ҳамда таваллуд кунлари билан чин юракдан қутлаб, ўзи лутфан тақдим қилган шеърларини эътиборингизга ҳавола этамиз.



Абдулла ОРИПОВ,
Ўзбекистон халқ шоири

БУЮКЛИК

Тавоб қил майлига, яхшилар узин,
Лекин, ет қадрига буюклик сўзин.
Кимдир элу юрт бошга кўтаргай,
Буюклар кўтаргай эл-юртнинг ўзин!

ХАЛҚ

Дунёда мантиқсиз ҳеч иш бўлмайди,
Томчи йиғилмаса, жом ҳам тўлмайди.
Биз томчи эрурмиз, халқ эса уммон,
Халқ ўлмас, томчи ҳам демак ўлмайди.

ДИАЛЕКТИКА

Ҳар иш бир-бирига боғлиқ туюлгай,
Агар ерни уйсанг — тупроқ уюлгай.
Сенинг қовоғингдан қор ёғса агар,
Менинг кўзларимдан ёмғир қуюлгай.

ҚАРЗ

Дилингда жойлаб ол ушбу каломни:
Вақтида узиб қўй қарзу саломни.
Токи, ажринг сўраб боланг бир умр,
Етаклаб юрмасин домла, имомни.

БИЗ

Матлаб бир бўлмаса — жам бўлмагаймиз,
Жам бўлсак — бошимиз ҳам бўлмагаймиз.
Жам қилсак инсофу диёнатни ҳам,
Дунёда ҳеч кимдан кам бўлмагаймиз.

МЕҲР

Майли, гўзалликка битайлик дoston,
Майли, муҳаббатга фидо бўлсин жон.
Лекин жиндек меҳр кўргазса ёринг,
Уларнинг баридан афзалдир ишон!

АЁЛ

Кимдир бир юмушдан юзини бурди,
Кимдир ваъда берди, кимдир ўй сурди.
Аёлга эҳтиром навбати етгач,
Ҳамма бирданига оёққа турди.

ПОСБОН

Ўғлим, ҳақ деганни қўллағил фақат,
Парвоз қилар бўлса — осмони бўлгил.
Ёвузликка қарши қудратинг кўрсат,
Мудом эзгуликнинг посбони бўлгил.

ДАЪВО

Бир шапалоқ урди гадога гадо,
— Исмин Худо, — деди, — қилавер даъво.
Даъвогар қозига дод солиб борди:
— Мени Худо урди, урди-ку Худо!

СЎҚМОҚ

Сўқмоққа беписанд боқма, эй ўғлон,
Ажина йўли деб қилмагин гумон.
Наинки, шоқоллар ўтгайдир бундан,
Арслон ҳам ўтгандир гоҳи-гоҳи он.

КАРОМАТ

Қудуқда сув азиз, тандирдачи — нон,
Тоғларнинг бисоти неча-неча кон.
Бел боғлаб майдонга чиқдингми, энди
Сен ҳам бир каромат кўрсат, эй ўғлон!

ЭКРАН АСАРЛАРИ МУҲОКАМАДА

Ҳар йили март ойида Республика Киночилар уйида мамлакатимиз кинематографчилари яратган фильмларнинг муҳокамасига бағишланган ижодий конференция ўтказилади.

Анъанавий навбатдаги тадбирда ҳам 2001-2002 йилларда суратга олинган ўзбек бадиий, ҳужжатли ва мультипликацион картиналари хусусида баҳс боради. Шу муносабат билан Ўзбекистон киноарбоблари бирлашмаси 25-27 март кунлари «Ўзбекино» компанияси студияларида шу даврда ишланган фильмлар кўригини уюштироқда. Унда режиссёр Ю. Розиковнинг «Ўртоқ Бойкенжаев», «Дилхирож», З. Мусоқовнинг «Осмондаги болалар», Т. Қалимбетовнинг «Танка», Н. Қосимовнинг «Нотаниш полвон», Ж. Мусоқовнинг «Калиш» ва «Ойижон», М. Абзаловнинг «Меш-полвон» асарлари ҳамда «Ўзкинохроника», «Ўзбектелефильм» ва бошқа студиялар маҳсулотлари намойиш этилади. Ижодкорлар, танқидчилар, жамоатчилик вакиллари ва журналистлар иштирокидаги бевосита ижодий мулоқот эса, 28 март куни ўтказилади.

Киш фаслининг сўнги кунлари эди. Баҳорнинг илик, майин шабадалари эсаётган бўлсада, қиш ҳали бери ўз ўрнини баҳорга бўшатгиси келмас, эпкин шамоллар киши этини жунжуқтирар эди. Мен тўртинчими, бешинчи синфда ўқирдим. Кунлардан бир кун мактабдан қайтаётиб, кўзим беихтиёр йўл четида ётган қоғозчага тушди. Дарҳол уни қўлимга олдим. Ўн сўмлик пул экан.

Зудлик билан уйга ошиқдим. Бу вақтда гўё мендан бахтли одам йўқ эди. Кўча эшик олдида онам турар эдилар.

«Ойижон, мана буни қаранг, йўл четида ётган ўн сўм пулни топиб олдим», дедим ўзимда йўқ хурсанд ҳолда. Онам менинг бу хурсандчилигимни бутунлай бошқача қарши олдилар. «Ҳозирок ортингга қайтиб бориб, пулни қайси жойдан олган бўлсанг, ўша ерга қўйиб келасан», — дедилар-у, ортимга қайтариб юбордилар.

Минг бир хаёл билан ортимга қайтдим. Ахир, пулни ўғирлаб олмаган бўлсам, нега уни олмадилар? Пулни топиб олганимга ишонмадилар шекилли. Шу орада яна ўйлаб қолдим. Пулни олиб бориб жойига қўйдим, деб айтсам-чи. Уни яширганимни билиб қолсалар, нима бўлади? Шу каби саволлар билан пулни олган жойга келиб қолганимни сезмай қолибман.

Пулни қандай олган бўлсам, ўша ҳолда жойига қўйдим ва орқамга қайтдим. Уйга келиб, онамга айт-

дим. Онам менга ишондилар. Шундан сўнг менга: «Дунёда бировнинг ҳақидан кўрқ. Ҳалол, пешона теринг билан топган ҳар бир танганг ўзингга юқади. Сен топиб олган ўша ўн сўм учун кимдир меҳнат қилган. Ҳаромдан ҳамиша ҳазар қил.

Ўзингга доимо тўғри бўл. Дунёда фақат ҳалоллик, поклик, тўғрилиқ яшаб қолади. Сен ҳаётга энди кадам ташлаясан. Йўл бошида турган одам дастлабки хатога йўл қўйса, умри давомида фақат қийинчиликларга дуч келверади. Энди ўзинг хулоса чиқариб ол, болам», — дедилар.

Бу гапларни онам шундай айтдилар-ки, овозларида ич-ичларидан қандайдир титроқ, маҳзунлик оҳанглари сезилиб турарди. Бу оҳанг ҳали-ҳануз қулоқларим остида жаранглаб туради. Орадан қанча йиллар ўтди. Ўша кўчадан ўтаётганимда, пул топиб олган жойга нигоҳим тушади-ю, яна ўша воқеа хаёлимда қайта жонланади.

Бўлиб ўтган бу воқеани фарзандларимга кўп маротаба ҳикоя қилиб берганман. Ҳар сафар улар зерикмасдан қулоқ солишади. Бу воқеа мен учун бир хотира бўлса, фарзандларим учун тарбия мактаби, деб ўйлайман.

Асрор ҒАФУР.

Табриклар ва истаклар

Алишер

ШОУМАРОВ,

Тошкент Давлат аграр
университети магистранти,
Президент стипендияси
совриндори:

— Халқимизнинг қадимий байрами Наврўзи олам юртимиз тарихининг энг ёрқин ва илҳомбахш саҳифаларидандир. Наврўз келиши билан нафақат табиат, балки инсон онадан янги тугилгандек сезади узини, гуё. Йил давомида ба-жарилажак ишлар дебوحаси саналган янги орзулар, янги режалар тугилади.

Мен Тошкент Давлат аграр университетининг маркетинг мутахассислиги бўйича магистратурасида таҳсил олмоқдаман. 2001 ва 2002 йилларда АҚШ ва Россияда махсус ўқув курсларини тугатиб қайтдим. Халқаро даражадаги лойиҳаларим билан иштирок этиб, АҚШнинг «Cochran» грантига сазовор бўлдим. Ҳозирги кунда «Ўзбекистонда агро-саноат мажмуасини такомиллаштириш йўллари» мавзусида магистрлик диссертациям устида илмий тадқиқотлар олиб бормоқдаман. Тилагим, 2003 йилда магистратурани имтиёзли диплом билан тугатиш, аспирантурага кириш ҳамда яхши ишга жойлашишдир. Аниқки, буларнинг барчаси кишидан билим, куч-ғайрат, шижоатни талаб этади. Ҳозирги кунда мен қатори барча ёшлар жонажон Ватанимизга ана шу фазилатлари билан хизмат қилмоқдалар.

Сўзим сўнгида айтмоқчи эдимки, йил боши бўлган Наврўзи айём кексаю ёшга олам-олам қувонч, омад олиб келсин. Мен каби талабаларга аъло баҳолар ҳамроҳ бўлиш-лигини талаб қоламан.

Ибратнома

ҲАМ ХОТИРА, ҲАМ ТАРБИЯ

Китоб
жавонингизга

ТУҲФА



Юртимиз мустақилликка эришганидан буён кўплаб қадимий ўрф-одатларимиз, қадриятларимиз чинакам қадрини топмоқда. Ҳар йили юртимизга ўзгача шукҳу билан кириб келадиган Наврўз ҳам ана шундай турфа байрамлардан бири ҳисобланади.

«Наврўз» нашриёти томонидан кенг китобхонлар оммаси ҳамда байрам ўтказувчи мутасаддиларга мўлжаллаб чоп этилган «Наврўз байрами» рисола-си тарқатилди.

Ана шу шодиёна арафасида босмадан чиққан мўъжазгина китобчани Тўлқин Эшбек, Шавкат Миралимов, Анварбек Собиржон ўғли, Мирзакалон Шодиевлар нашрга тайёрлашган.

Тўпламдан ўрин олган табиат, меҳнат ва саховатлиликни тараннум этувчи битиклар, матнлар ва шеърлар жойларда ўтадиган баҳор байрами тадбирларини янада яхшироқ, қизиқарлироқ, янада теранроқ ўтказиш учун қўлланма бўла олади, деб ўйлаймиз.

ХАЙРЛИ ВА САВОБЛИ

Мустақил юртимизда Наврўзнинг қадри ҳам, нуфузи ҳам йил сайин сайқалланиб бормоқда. Буни жойларда ўтаётган байрамолди тадбирларида, халқ ҳашарларида, меҳру-муруват ёрдамларида ҳам кўриш мумкин.

Бу борада жамғармамиз ўз фаолиятини такомиллаштириб, оналик ва болаликни муҳофаза қилиш, кам таъминланган оилалар, ёлғиз қариялар, етим ва ногиронларни ҳар томонлама қўллаб-қувватлаш ишларини амалга ошираётганини айтиб ўтсам кифоя қилар. Биз

«Соғлом авлод учун» жамғармаси ходимлари байрам кунлари ўз ўрнимизни ҳимояга муҳтож аҳоли хонадонлари билан бирга бўлиш, деб биламиз.

Биргина шу йилнинг ўтган даври мобайнида 300 нафардан зиёд етимлар, ногиронлар ва кам таъмин-

ланган оилалар аъзоларига меҳру муруват ёрдамлари кўрсатдик. 200 кишига бепул дори-дармонлар тарқатилди. 18 кишига даволаниш учун республика сихатгоҳларига йўлланмалар берилди.

Жойларда спорт майдончаларини ташкил этиш режаларимиз бор. «Биокиме» корхонаси ҳомийлигида «Янги ҳаёт» мулкдорлар ширкати ҳудудидаги спорт майдончаси қайта таъмирланиб, ишга туширилади. Икки жойда тикувчилик цехи фаолияти йўлга қўйилади.

Жамғармамизнинг фаол ҳомийлари орасида «Янги Вега», «Росси» қўшма корхо-

налари, «Кичкинтой» болалар пойабзали корхонаси, «Амир ал Мафтуна» фирмаси, Озиқ-овқат технология коллежи каби ташкилот ва муассасаларнинг ўзига хос ўрни бор, албатта.

Меҳрумуруват, олижаноблик, инсон саломатлигини мустаҳкамлаш, оналик ва болаликни муҳофаза қилиш йўлида ҳали кўп хайрли ва савобли ишларни амалга ошириш ниятимиз бор.

Зухра ҲАЙДАРОВА,
Янгийўл шаҳар «Соғлом авлод учун» жамғармаси раҳбари.

Олтмишинчи йилларнинг ўртаси. Радио-да ишлайман. «Ёшлик» радиостанцияси энди ташкил этилган пайтлар. Раҳбаримиз Рустам Раҳмонов. Раҳматлик куюнчак инсон эди, бировга озор бермасди. Бирон нарсадан ранжиса ё кўнгли тўлмаса, биз ёшларни ҳам эркалаб: «Шунақа эмас-да, энди, ака», — деб қўярди.

Бир куни Рустам ака дам олгани Дўрмонга чиқиб кетди. Ёзувчиларнинг бу ижод боғи баҳордан то қора кузгача гавжум. Бу ерда Миртемир, Шайхзода, Иззат Султон каби адабиётимиз оқсоқолларини ҳам, энди атакчечак қилиб адабиётга кириб келаётган ёшларни ҳам учратиш мумкин. Айниқса ёз фаслида Дўрмоннинг ғир-ғир шабадаси, оқар сувлари истаган кишини соҳирадек ўзига чорлайди.

Шанба келиши ҳамон Рустам аканинг ортидан Дўрмонга қараб югурардик. Бизни боғ сайридан кўра устозларнинг ажойиб-ғаройиб ҳангомалари кўпроқ қизиқтирарди.

— Зап вақтида келдингиз, — деди Рустам ака мени кўриб, — бозорга тушадиган одам тополмай турувдим. Бугун бир ошхўрлик қилайлик. Мана бу пулни олингу бозор қайдасан, деб зингиланг, ака!

Битта бозор кўрган ошнамни ёнимга олдим. Хаш-паш дегунча Қибрайдан ошнинг харажатини қилиб чиқдик. Рустам ака яхши пазанда эди, паловхонтўрани-ку, йўргалатиб юборарди. Ҳазил-хузул билан бир пасда сабзи-пиёзни тўграб ташлади. Биз ўчоққа ўт ёқиб, аргувон тагига жой қилдик.

Ошхўрларнинг қимлиги ҳозир эсимда йўқ. Ҳар қалай аксарияти оқсоқоллар эди. Рустам ака дамтовокни бостиргач, одатдагидек, мутоиба аралаш деди:

— Мен шакароб тайёрлаб турай, унча сиз бир укам бўлинг У Абдулла акани ошга айтиб келинг.

Юрагим шиг этди. Рустам ака Абдулла Қаҳҳорни чақириб келинг, деяётган эди! Қаҳҳор домланинг ховлиси шундоқ рўпарада, эллик қадам ҳам чиқмайди. Аммо... Абдулла Қаҳҳорни ошга айтиб боргани ким бетлайди? У кишининг қўлини олиб, юзига тик қарагани унча-мунча катталар истиҳола қилардию, бизга ўхшаган эндигина тўртта ҳикоя ёзган ҳаваскорга йўл бўлсин!

— Ҳм, азизим? — деди Рустам ака, иккиланиб турганимни кўриб. — Шунақа эмас-да, энди. Ош тагига олиб кетади-я?

Гуриллаб ёниб турган оловга яқинлашаётган кишидек, секин домланинг дарвозаси томон юрдим. Эшикка бориб тўхтадим. Ўзим-

ни зўрладим. Бўлмади. Оёқ илгари босмади.

Бир оз туриб, қайтиб келдим.

— Айтдингизми? — деди Рустам ака. «Йўқ» дегандек бош чайқадим.

— Қойил, — деб кўлди Рустам ака, — тагин бу акам ҳажвий нарсалар ёзади. Юракдан ҳам бор экан. Бўпти, дастурхонни тузатиб тулинг, ўзим айтиб келаман.

Рустам ака лўмбиллаб кетди. Анчадан кейин Абдулла акани бошлаб келди.

Домлани кўриб, ўтирганлар дув кўзғолди. Абдулла ака бош силкиб саломлаш-

айтганда, улар Московнинг Тошкентдаги кўз-кулоғи, ё ошқора, ё хуфя назоратчилари эди. Абдулла Қаҳҳор уларни жинидан ёмон кўрар, ўзга ёзувчилардан фарқли ўлароқ ўз фикрини дангал, кўпчиликнинг олдида ҳам айтиверар, оқибатда уда-ловларнинг қаттол ва хавфли душманига айланиб қолган эди.

Алқисса, тик турганлар ўтирди. Ош сузилди. Кимдир дастурхон четига ўраб қўйилган коньякни олиб олма гулли пиёлаларга бўлиб чиқди. Шу пайт Александр Удалов ёнбошидан китоб олиб Абдулла акага чўзди:

— Янги романим чиқди, Абдулла Қаҳҳорович, Сизга атаб олиб келдим.

Абдулла ака китобни менсимамай қўлига олди. Номини ўқиб, тагин сирли кулиб қўйди. Бу сирли кулгининг сирини биз кейинроқ билдик. Китоб «Сабр косаси» («Чаша терпени») деб аталарди ва яна ўтмишимизга бағишланган эди. Гўёки маҳаллий бойлар зулмидан сабр косаси тўлиб кетган ўзбеклар бир ёқадан бош чиқариб, инқилоб қилишга отланган эмиш...

Қаҳҳор домла китобни бир варақлаб муаллифига қайтариб берди. Қўлига пиёлани олди ва дастурхонга

қараб алёр айтди:

— За наше терпение. Ўзбекнинг сабрига балли!

У ҳеч ким билан уриштирмай, култ этиб коньякни ичди, жиззадан олди. Мен, Удалов нима қилар экан, деб қараб турдим. Чунки, у Абдулла акадек улуғ ёзувчидан икки оғиз табрик, бир жуфт илиқ сўз кутган эди-да. Қаҳҳор эса, Қаҳҳорлигича қолди, дастурхон устида ҳам Московнинг тили узун, қўли узун хос вақилини аямасди, уни мулазм қилди, миллатини ерга ургани учун ўчини олди.

Удалов энди озгига олиб борган пиёласини дастурхонга қўйди-ю, индамай туриб кетди. Назаримда бировлар саросимага тушди. Чунки, «Дўрмондаги ўтиришда фалончилар ҳам бор эди», — қабилдаги гаплар керакли ергача етиб бориши эҳтимолга яқин эди.

— Олинглар, — деди Абдулла ака ошга қўл чўзиб, — битта пашшаўрда камайди.

Ўша куни Абдулла ака битта рақибини мағлуб этиб, ўзи бир ёшга қаригандай бўлди.

Саъдулла СИЁЕВ.

УСТОЗНИ ҚАРИТГАН АЛЁР

(Воқеий ҳикоя)

ган бўлди, кейин тўр томонда тикка таъзим қилиб турган Александр Удаловга қараб мийғида маъноли кулиб қўйди.

Шу ўринда, адабиётга энди кириб келаётган ёшларга, умуман янги авлодга Александр Удаловнинг қимлигини билдириб қўйишим керакка ўхшайди. Сир эмас, неча ўн йиллар мобайнида Ўзбекистон давлатигина эмас, ҳатто адабиётимиз ҳам собиқ иттифоқ томонидан бошқариб келинди. Ўзбек ёзувчиларининг нимани ёзиб, нимани ёзмаслигича Москва аралашарди. Масалан, босмачилар, деб тамга босилган озодлик фидойилари ҳақида ёзилса, албатта, уларни ёмонлаб ёзиш керак. Ўтмишда ўзбек халқи фақат зулматда яшаган, унинг ёруғ кўни ҳам, жаҳоншумул тарихи ҳам бўлмаган, дунёга Беруний, Улуғбек, Навоийларни берган бу халқ илму фанни Европадан ўрганган эмиш ва ҳоказо. Удаловга ўхшаганлар ана шундай яқка ҳокимлик, шовинистик мафқуранинг Тошкентдаги вақиллари эди. Мильчаков, Бородин, Владимиров каби каттароқ ёшдаги миссионерлар эса, Удаловнинг қўлтигига сув пуркаб турарди. Бир сўз билан

Бўка тумани марказий маданият уйи қошида ташкил этилган «Дугоҳ» мақомчилар дастаси 1988 йили марҳум Зоир Даминов томонидан ташкил этилган эди. Бугунги кунда бу даста ўзининг дилрабо куй ва кўшиқлари билан нафақат Бўқада, қолаверса, вилоятимизда ҳам нуфузли ўринларга эга бўлмоқда.

СУРАТЛАРДА: (ўндан чапга) мумтоз кўшиқлар ижрочилари Зафар Расулов, Ориф Омонов ва Сарвар Қурбоновлар. Ўнгда эса, даста иштирокчиларининг бир гуруҳи.

Еркебой БОТИРОВ
олган суратлар.



«ВИЛОЯТМАТЛУБОТСАВДО» ЖАМОАСИ

*Вилоятимизнинг барча аҳлисини, жонажон Ўзбекистонимиз
равнақи йўлида меҳнат қилаётган замондошларимизни
бахор ва гўзаллик байрами —*

НАВРЎЗИ ӨЛАМ билан қизини кўтлайди ва мамлакатимиз
таракқиёти йўлидаги саъй-ҳаракатларида
муваффақиятлар тилайди.



Мустақиллик шарофати билан сўнгги ўн йилликда халқимизнинг кўп қадимий анъаналари, маънавий қадриятлари тикланди. Ҳар баҳор Наврўзни шод-хуррамлик билан байрам қилаётганлигимиз бунинг ёрқин исботидир.

Топган бир даста гул, топмаган бир боғ пиёз, деганларидек, ҳамма қатори биз — савдо ходимлари ҳам бу умумхалқ байрамига алоҳида тайёргарлик кўрдик. Бугун одамларнинг шодлигига шодлик қўшиш учун пойтахтимиз, шаҳар ва қишлоқларимизда ярмаркалар ташкил этдик. Турли озиқ-овқат маҳсулотлари, хилма-хил газламалар, пойабзаллар, ўйинчоқлар, чинни идишлар тўпламлари харидорларга маъқул бўлади, деб ўйлаймиз. 30 турда қандолат, салқин ичимликлар тайёрлаб

ҲАММАСИ СИЗЛАР УЧУН

кўйганмиз. 20 турдаги нон маҳсулотлари ботма-бот пештахталарга етказиб турилади.

Бўка, Зангиота, Пскент, Тошкент, Чиноз, Қибрай, Юқоричирчик, Янгийўл, Ўртачирчиқ туманларида Тошкент матлубот ҳиссадорлик жамиятларининг фаол иштирокида Тошкент шаҳрининг «Юнусобод теннис корти» майдонида байрам

савдоси ташкил этдик. Бу ерда 400 ўринли умумий овқатланиш жойлари тайёрланди. Дошқозонларда ош дамланиб, байрам қатнашчиларига тортилади. Наврўз таомлари — сумалак, ҳалим пиширилади. Бугун бағоят уста мантипазларимиз, кабоппазларимиз байрам иштирокчилари хизматида бўлишади.

Байрам кунлари Тўра Юсупов, Омон Тўраев, Манноп Муҳамедов, Муниса Рўзимбетова, Жумабой Тошматов, Хикоят Раҳматуллаева, Раиса Губанова, Анатолий Бобоев, Сотиболди Қосимбеков, Азим Раҳимжонов сингари фахрийларимизга ҳам алоҳида сийлов кўрсатамиз.

Биз ҳамшаҳарларимиз, ҳамқишлоқларимизни хушнуд этиш учун сидқидилдан хизмат қиламиз.

«ВИЛОЯТМАТЛУБОТСАВДО» ҲИССАДОРЛИК ЖАМИЯТИ ЖАМОАСИ.



АЗИЗ ВАТАНДОШЛАР!

«АСАКА» БАНКИ

**Тошкент вилояти филиали Сиз азизларни уйғониш,
янгилиниш ва яшариш фасли
бахорнинг энг гўзал байрами —**

Наврўз

**билан самимий
муборакбод этади.**

**Қутлуғ Наврўз айёми барча ҳамюртларимизга
хуш кайфият, тинчлик-тотувлик,
хонадонингизга файзу-барака олиб кирсин.**

**Мустақил Ўзбекистонимизнинг буюк келажagini
бунёд этиш йўлидаги саъй-ҳаракатларингизда Сизларга омад ёр бўлсин.**

«ТОШВИЛОЯТАВТОТЕХХИЗМАТ»

ҳиссадорлик жамияти жамоаси

хизматларидан фойдаланаётган ўз мижозларини янги кун —

Наврўзи олам

билан муборакбод этади.

Серқуёш заминимизда яшовчи ҳар бир инсоннинг дилидаги энг эзгу, энг гўзал орзу-умидлари рўёбга чиқишига тилакдошмиз.



Қадрият

Салима аянинг дарди оғирлашгандан оғирлашиб борди. Фарзандларининг «елиб-югурлишлари» ҳам фойда бермади. Кўп шифокорларга, не-не табибларга кўрсатишди, лекин зиғирчаллик нафи тегмади. Ая оғир алфозда уч ой жон талашиб ётди. Киш аёзлари чекиниб, дераза ортида чумчуқларнинг чирқиллашлари эшитилиб қолди. Бир кун, пешиндан сўнг ая фарзандларини бағрига тўплади. Онаси руҳиятидаги ўзгаришни кўриб, ўғилқизлар бир хурсанд бўлишар, бир хайратланиб, юракларини ваҳима босарди.

Она гапни шундай бошлади:

— Болаларим, мана, ўлманган қул кўкламга ҳам етиб келар экан. Ҳаммангнинг ишинг авжига чиқди. Деҳқончиликларинг бошланди. Баринг йўлингни топдинг, бундан хурсандман. Аммо, ўзларингни эҳтиёт қилинглар, жуда ҳам меҳнатга муккадан кетмаларинг.

Энди гапнинг индаллосини айти. Инсон бошида бир туғилиш ва бир қайтиш бор. Мен ҳам яшадим, сенлардек фарзандларни дунёга келтириб, вояга етказдим, роҳатларингни кўрдим. Барига шукрона айтаман. Бугун кексайдим, умримнинг ҳам охири кўриниб қолганга ўхшайди.

Фарзандлар: «Ойижон, ундай деманг, ҳали кўп яшай-

сиз», — дейишиб, оналари бошида гуж бўлиб олишди.

— Гапимни бўлмаларинг. Юрагимдагини айтиб олай. Ҳаммаларингдан розиман. Сизлар ҳам мендан рози бўлинглар.

Салима ая келини Муборакка қаради-да: «Сен қол, сизлар юмушларингга бораверинглар, мен анча яхшиман, ха-

Менга сўз бер, бошингга ҳар қандай кун тушганда ҳам сигирни йўқотмайсан.

Муборак опа қайнонасининг сўзларини тинглади-ю, хаёлида бундан беш йил илгари рўй берган воқеалар жонланди.

Мана шундай баҳорнинг нафаси эсиб қолган, ердаги майсалар бош кўтарган пайт эди ўшанда. Мажнунтол сочлари-

рўзнинг эрта тонгида кўз ёрди. Ҳамманинг севинчи ичига сигмай қолди, айниқса, болаларни айтинг. Салима ая эса, бир гапни такрорлар эди:

— Бу сигир хосиятли сигир, боласи барака белгиси. Иккиси мана шу улуг айём кун оиламизга қут-барака, оқлик олиб келди. Буни бизга Худонинг ўзи етказди.

Салима кампир айтгандек бўлди. Шу кундан бошлаб оилада ҳар нарсадан барака иси келиб қолди. Орадан бир йилча вақт ўтганда, Умаржон бахтсиз тасодиф туфайли оламдан ўтиб кетди. Эридан сўнг бироз қийинчиликда қолган Муборак рўзгорнинг бир учини кўтариб турган она-бола сигирни сотиш тараддудига тушди. Шунда қайнонаси келинни олдига олиб, насиҳат қилди:

— Болам, бу сигирнинг хосияти кўп. Ҳали у корингга кўп ярайди.

Кампир айтгандек, оиланинг кўп қорига яради бу сигир. Наврўзда туғилган бузоқни сотиб, ўғли Улуғбекнинг бошини иккита қилишди. Яна бошқа тўю-томошалар қилиб, элга дастурхон ёзишди. Яхши кунлар оила бошига ёғилаверди. Муборак ҳозир шуларни ўйларди. Ўйларди-ю, Наврўзда рўй берадиган воқеа-ҳодисалар фақат яхшиликка бўлишини юракдан ҳис этарди.

Орадан йиллар ўтди. Бу оиланинг фарзандлари маҳалла, қишлоқда ўзларининг меҳнатсеварлиги ва одоби билан машҳур бўлишди. Ҳамма уларни хосиятли оиладан, дея алқайдиган бўлди.

Равшан ЁҚУБЖОНОВ.

Янги кун Хосияти

вотир олманглар», — деди. Фарзандлар хоҳлар-хоҳламас ўз ишларига равона бўлишди.

— Мубор, кел, ўтир ёнимга, — деди ая. — Нима учун олиб қолганимни билаётгандирсан. Сенга бир васиятим бор. Биламан, ўғлимнинг ўлимидан сўнг оила ташвиши ўзингга қолиб кетди. Бугун шукрки, ҳеч нарсадан каминг йўқ. Бу ниманинг хосияти эканлигини биласанми? Бу ўғлимдан эсдалик бўлиб қолган сигирингнинг хосияти.

ни ёйишга киришган маҳал. Умаржон онаси ва аёли билан маслаҳатлашди-да, бозордан туғишга кун-соати яқин қолган сигир сотиб олди. Сигирнинг туғишини барча интиқлик билан кутар, «Оғзимиз оққа тегиб қолади», — дея яхши ниятлар қилишарди. Наврўз арафаси эди. Сигир безовталана бошлади. Салима ая бугун эрта унинг туғишини сезиб, ўғлига кўз-қулоқ бўлиб туришини тайинлади. Ярим кечада тўлғана бошлаган сигир Нав-



УДУМЛАР,
АНЪАНАЛАР ВА
РАСМ-РЎСУМЛАР

Халқимизда қадимдан Наврўз куну туғилган чақалоқнинг исмини — Наврўз қўйишган. Ушбу анъана ҳозирда ҳам амал қилмоқда.

Ушбу айём кунларида одамлар бир-бирлари билан дийдорлашишган. Орасидан гап қочганларни, эр-хотинларни эл оғалари яраштириб қўйишган.

Айрим жойларда янги йил киргани наврўзак ёки кўк тумшук тўрғай деган қушининг учиб келишига қараб эниқланган.

Наврўз кунлари қўш оши пилирилган. Қўш омоқлар соғланиб, ҳўкизларнинг шохи мейланган.

Наврўз куну бўйи етган қизлар бир жойга тўпланишиб, чиройли гулачмбарлар ясаган. Булоқдан кўзаларда сув олиб келиб, ичига узук, сирға, танга ташлашган. Кейин қўшиқ, лапарлар остида сувдан чиқазиб олинган нишонлар бахт рамзи деб ҳисобланган.

Dushanba

24

«Ўзбекистон» телеканаллари
Телетомошабинлар диққатига!
«Ўзбекистон» телеканаллари душанба, 24 март куни ўз кўрсатувларини соат 15.00дан бошлайди.

18.30 «Репортаж».
18.35 Бир жуфт кўшиқ.
18.45 «Сихат-саломатлик».

23.05 «Ахборот-дайжест».
23.25-23.30 Ватан тимсоллари.
«Ёшлар» телеканаллари
8.55 Кўрсатувлар дастури.

15.00 «Давр» ҳафта ичида.
15.30 ТВ-анонс.
15.35 «Учинчи сайёра» маърифий дастури.

Эълонлар
20.15 «Ёшлар» телеканалда премьерала «Гвадалупе». Телесериал.

болалар».
19.25 «Халқ саломатлиги йўлида».
19.50 «Avto-news».

21.00 «Время».
21.35 «Сўнги қаҳрамон-3».
22.40 «Бизнес - ревью».

Seshanba

25

«Ўзбекистон» телеканаллари
6.00 «Ассалом, Ўзбекистон!».

Телевизион ўйини.
13.30 «Қадамнинг кўтлуг бўлсин, Навруз!» Мусиқий дастур.

20.15 FCN «Ўзбекистон янгиликлари» (инглиз тилида)
20.30 «Ахборот».

ривоят.
14.50 «Рей Брэдбери театри». Сериал.

1-қисм.
20.20 «Меҳр кўзда» мактубларга шарҳ.

20.25 ТТВда сериал.
«Мафтункор аёл».

23.55 «Ахборот» (рус тилида)
0.30 «Тунингиз осуда бўлсин!»

Chorshanba

26

«Ўзбекистон» телеканаллари
6.00 «Ассалом, Ўзбекистон!».

14.10 «Уйла, изла, топ». Телемусобақа. Финал.

каналда илк мартаба: «Камилла».
Телесериал.

ёшлари.
13.05 «Ёшлар» телеканалда спорт дастури: 1. Нокаут, 2. Теннис.

Эълонлар
20.40 «Гвадалупе». Телесериал.

20.25 ТТВда сериал.
«Мафтункор аёл».

23.45 «Ахборот» (рус тилида)
0.20 «Тунингиз осуда бўлсин!»

Payshanba

27

«Ўзбекистон» телеканаллари
6.00 «Ассалом, Ўзбекистон!».

10.00, 12.00, 14.00, 18.00 Янгиликлар
10.05 «Истеъмолчи».

13.20 Т. Минуллин.
«Алла» спектакли. 2-қисм.

фильм» намойиши:
«Жаҳонни забт этган санъат».

Бозор ва болалар.
21.45 «Ташаббус - 2003». Кўриктанловнинг якуни.

Мультсериал.
10.00 Болажон.

16.15 ТВ-анонс.
16.20 «Ит уяси». Телесериал.

Хотира турнири

МАХАЛЛАЛАР БЕЛЛАШУВИ

Махмуд Рисбоевнинг номини нафақат Мавлонов номли ширкат хўжалигида, балки, Бекобод туманида ҳам яхши билишади.

У илгор механизатор, саркор бўлиб ишлаши билан бирга спорт мураббийси ва маҳалла оқсоқоли сифатида ҳам танилган эди. Айтиш пайтда М. Рисбоев ташаббуси билан тузилган хўжалик футбол жамоаси вилоят биринчилигида муваффақиятли иштирок этмоқда. Айниқса, Махмуджоннинг саъй-ҳаракатлари туфайли «Ўювли» маҳалласидаги ташландиқ ер майдонида ҳашар йўли билан мўъжазгина ўйингоҳ ташкил этилди. Бироқ, бевақт ўлим маҳалла жонкуяри ва толмас спорт мураббийсини орамиздан олиб кетди.

Яқинда М. Рисбоев ташкил этган ўйингоҳда унинг хотирасига бағишланган иккинчи футбол турнири мусобақаси ўтказилди. Унда «Маданият» қишлоқ фуқаролар йиғини ҳудудида жойлашган етти та маҳалла футбол жамоалари иштирок этдилар.

Қизгин ўтган баҳсларда «Сирбўйи» жамоасига турнир ғолиблиги насиб этди.

Карим МАВЛОНОВ,
Бекобод тумани.

Эндиликда Наврўз тантаналарини спорт мусобақаларисиз тасаввур этиши қийин. Тўғри, ўзбекнинг тўй ва байрамлари кўпқари, улоқ ва миллий кураш каби кизиқарли мусобақалар, турли хил ўйинларсиз ўтмайди.

Аммо, мустақиллик шарофати билан мамлакатимизда нишонланаётган байрамлар спорт байрамига ҳам айланиб бормоқда. Мустақиллик куни ва Наврўз байрамлари бағишлаб оммавий спорт турлари бўйича кексаю ёш ўртасида беллашувлар ўтказиш анъана бўлиб қолди.

Айниқса, бу йилги Нарўз тантаналари ҳамма жойда оммавий спорт мусобақалари билан уйғунлашиб кетиши кутилмоқда. Чунки, мамлакатда болалар спортини ривожлантиришга қаратилган Президент Фармони ва ҳукумат қарори муносабати билан ҳар бир шаҳар, қишлоқ ва маҳаллаларда амалий ишлар қизгин бошланиб кетди. Мавжуд барча ўйингоҳ, спорт заллари, енгил атлетика машғулотлари майдонлари, сув спорти ҳавзалари, теннис кортлари, тубдан қайта таъмирлаб, болаларни оммавий мусобақаларга жалб этиш саъй-ҳаракатлари бошлаб юборилган. Қурилажак янги спорт иншоотларининг лойиҳалари тайёрланмоқда.

Вилоятнинг барча шаҳар ва

туманларида Наврўз байрами тантаналари давомида ўтказиладиган катталар ва

ЎЙИНГОҲЛАР ЧОРЛАЙДИ

болалар ўртасидаги турли спорт мусобақалари дастури ишлаб чиқилган. Жумладан, Оҳангарон шаҳрида ўзбек кураши бўйича беллашувлар икки босқичда ўтказилади. Дастлаб, кўпдан бери курашиб, воҳага танилган полвонлар гиламга чиқишади. Ягона ғолиб аниқлангач, томошабинлар даврасидан талабгорлар гиламга таклиф этилади. Шундай тартибдаги беллашувларни болалар ва ўсмирлар ўртасида ҳам ўтказиш режаланган. Ғолиблар учун қимматбаҳо совғалар тайёрланди.

Пскент туманида байрам тантаналари улоқ, кўпқари каби халқ ўйинларисиз ўтмайди. Бу йил 22-23 март кунлари кўпқари ва улоқ бўйича республика турнири-

ни айнан шу туманда ўтказишга қарор қилинган бекжиз эмас. Юқорида таъкидлаганимиздек, Пскентда от ишқибозлари бисёр. Ушбу беллашувлар ёш чавандозлар ўртасида ташкил этилаётганлиги диққатга сазовор.

Наврўз байрами тантаналари дастуридан ўрин олган спорт мусобақалари беистисно барча шаҳар ва туманларда март ойининг охиригача давом этади. Миллионлар ўйинига айланган футбол мусоба-

қаларида ҳамма маҳаллалар жамоалари қатнашади. 150 дан зиёд спортчи иштирок этиши кутилаётган миллий кураш, самбо, дзюдо мусобақаларига қизгин тайёргарлик кўрилмоқда. Бўстонлиқ туманида фарғонача миллий кураш, тош кўтариш бўйича беллашувлар бўлиб ўтади. Ангренда эса 50 дан зиёд болалар ва ўсмирлар жалб этилган от спорти мусобақалари бошлаб юборилган.

Хуллас, ана шундай гаплар. Бу ҳаммаси эмас. Умумхалқ айёми кунлари ўйинлар ҳам барчани чорлаб туради. Уларни кўришга сизни ҳам таклиф этиб қоламиз.

Хурида НАЗАРОВА,
«Тошкент ҳақиқати»
мухбири.



БИРИНЧИ ТУР, ДАСТЛАБКИ НАТИЖАЛАР

Ниҳоят, ўн иккинчи мамлакат миллий чемпионати бошланди. 16 жамоа ўртасида бўлиб ўтган саккиз учрашувнинг 6 тасида мезбонлар ғалаба қозондилар, икки учрашув дуранг натижа билан тугади. Дарвозаларга жами 21 та тўп киритилди.

Айтиш жоизки, биринчи тур вилоятимиз вакиллари учун омадли бўлмади. «Дўстлик» Андижонда майдон эгалари билан 1:1 ҳисобида дуранг ўйнаб, бир очко эгаси бўлди. «Металлург» эса «Трактор»нинг меҳмони бўлиб, ўйинни 0:1 ҳисобида бой берди.

Қолган учрашувларда қуйидаги натижалар қайд этилди: «Пахтакор» — «Кўқон-1912» — 5:1; «Нефтчи» — «Гулистон» — 4:0; «Насаф» — «Сурхон» — 3:0; «Самарқанд» — «Қизилқум» — 1:0; «Бухоро» — «Цементчи» — 1:1; «Навбахор» — «Машъал» — 2:0.

Навбатдаги иккинчи тур учрашувлари 23 март, якшанба куни бўлиб ўтади. «Дўстлик» ўз майдонида «Бухоро»ни, «Металлург» эса «Навбахор»ни қабул қилади.

Талъат ЮСУПОВ.



«ПАХТАКОР» ФИНАЛГА ЧИҚА ОЛАДИМИ?

Осиё футбол конфедерацияси (ОФК) томонидан ўтказиладиган чемпионлар лигаси баҳслари муҳлислар ўртасида жиддий қизиқиш билан бирга, қитъада ушбу спорт турини ривожлантиришга ҳам катта ҳисса қўшмоқда. Бу мусобақанинг мавқеи ҳатто Осиё ўйинлари доирасидаги футбол беллашувларидан ҳам нуфузли экани таъкидланмоқда.

Ўзбекистонлик футбол мутасадди ва мутахассислари ҳам Осиё чемпионлар лигасига жиддий эътибор қаратди.

Пахтакорчилар "D" гуруҳдаги рақиблари - "Ниса" (Туркменистон), "Пирузи" (Эрон) ва "Ал-Талаба" (Ироқ) жамоаларини енгиб, дастлабки ярим финалга чиқишди.

Энди футболчиларимиз Таиланднинг "Бек Торо Сасана" жамоасига қарши майдонга тушади.

Хўш, ушбу учрашувда "Пахтакор"нинг имкониятлари қандай?

Бугунги кунда пахтакорчи-

ларнинг асосий камчилиги мавсумнинг эндигина бошланганида. Агар эътибор берган бўлсангиз, "Ниса"дан кучли бўлган "Пирузи" ва "Ал-Талаба"га қарши ўйиннинг сўнгги дақиқаларида пахтакорчилар толиқиб қолди. Лекин 8 апрелда Бангкокда бўладиган ярим финалнинг дастлабки учрашувигача миллий чемпионатда қатнашадиган "Пахтакор" футболчилари анча ўзига келиб қолиши мумкин. Қолаверса, биринчи ўйинни сафарда ўтказиш пахтакорчилар учун қўшимча имкониятларни беради. Чунки, тошкентлик футболчилар жавоб учрашувида ўзла-



**AFC
CHAMPIONS
LEAGUE**

рига керакли бўлган натижани қўлга киритиши мумкин.

"Пахтакор" таркибида ўзгаришлар бўлиши ҳам кутилмоқда. Айрим маълумотларга қараганда, тажрибали химоячи Бахтиёр Ашурматов Владикавказнинг "Алания" жамоасига ўтган. Бу, ўз навбатида, "Пахтакор" химоясида муам-

моларни келтириб чиқариши мумкин.

Яна шуни алоҳида таъкидлаш лозимки, "Пахтакор" чемпионлар лигасининг чорак финалида иштирок этган ўн олти клуб орасида уч ўйинда ўз дарвозаси дахлсизлигини сақлаб қолган ягона жамоадир. Бу дарвозабон И.Нестеров маҳорати нечоғлик юқори эканидан ҳам далолат беради.

"Пахтакор" ҳар қанча кучли бўлмасин, "Бек Торо Сасана" жамоасига қарши дастлабки ўйин анча қийин кечишини тахмин қилиш мушкул эмас. Чунки бу жамоа ўз майдонида жуда кам мағлубиятга учраган. Қолаверса, "Бек Торо Сасана" гуруҳда Осиёнинг футболни энг ривожланган Жанубий Корея, Хитой ва Япониядан келган жамоаларни ортда қолдириб, ярим финалга чиқди.

У 1992 йилда ташкил

қилинган. Бироқ қисқа фурсат ичида Таиланднинг етакчи жамоаларидан бирига айланган.

Таиландликлар "А" гуруҳида биринчи учрашувни "Кашима Антлерс"га (Япония) қарши ўтказиб 2:2 ҳисобида дуранг ўйнади. Кейинги икки ўйиндаги рақиб эса анча жиддий эди. Лекин "Бек Торо Сасана" ўз олдида қўйилган вазифани уддалади. Жанубий Кореянинг "Тэжон Ситизен" жамоаси дарвозасига жавобсиз иккита тўп йўллаган таиландликлар ҳал қилувчи баҳсда Хитойнинг "Шанхай Шенхуа"сини 2:1 га енгди.

Тўғриси айтганда, "Пахтакор"га Япония, Хитой ва Жанубий Корея жамоаларидан кўра таиландликлар рўбарў келгани бир томондан маъқулроқ. Чунки Таиланд футбол савияси мазкур мамлакатларникичалик ривожланган эмас. Хуллас, "Пахтакор"нинг финалга чиқиш имконияти анча катта.

Нима бўлганда ҳам, "Пахтакор" ҳозир Осиёнинг энг кучли тўрт жамоасидан биридир. Лекин бу кўрсаткич севимли жамоамиз учун чегара эмас, деб умид қиламиз.

Зоҳир ТОШХҲҲАЕВ,
ЎЗА шарҳловчиси.

XXI asr va dunyo

Mamlakatlar
Odamlar
Voqealar
G'aroyibotlar

Eng
songi
xabarlar

ҲАМКОРЛИҚДА ГАП КЎП

Яқинда Қирғизистон пойтахти Бишкек шаҳрида мамлакат сув ҳўжалиги кўмитаси ташаббуси билан Ўзбекистон, Қозоғистон, Қирғизистон ва Тожикистон Республикалари вакилларида иборат экспертлар гуруҳи йиғилиши бўлиб ўтди. Унда мутахассислар Сирдарёдаги «Қамбар ота ГЭС — 1» ва «Қамбар ота ГЭС — 2» деб аталмиш лойиҳалар билан танишиб, мазкур иншоотларнинг қурилиш жараёнлари хусусида фикр алмашдилар. Лойиҳага кўра, ҳар иккала ГЭС Қирғизистон ҳудудидаги Тўхтағул ГЭСининг юқори қисмида жойлаштирилади. Мазкур жараён минтақадаги республикаларни электр қуввати ҳамда сув билан таъминлаш муаммоларини ҳал этишни осонлаштиради, — деб хабар берди «Қабар» ахборот агентлиги.

ГУМОНДОРЛИҚДА АЙБЛАНДИЛАР

Сербия полицияси мамлакат бош вазири Зоран Жинжичга суиқасд уюштирилганликда гумон қилинган 750 нафардан ортиқ кишини ҳибсга олди. Эслатиб ўтамиз, бу суиқасд натижасида З. Жинжич вафот этган эди. Юқоридаги хабарни З. Жинжичнинг сафдоши, бош вазир лавозимига тайинланган Зоран Живкович эълон қилди. Унинг дастлабки фикрича, бўлажак ҳукумат вазифаларини, полиция ишини такомиллаштириш, суд тизимини қайта қуриш тадбирлари долзарб ҳисобланади. «Рейтер» агентлиги мухбирининг мазкур ахбороти жамоатчиликда катта қизиқиш уйғотди.

БОШ ВАЗИР БЎЛАДИ

Фаластин мухторияти раҳбари Ёсир Арофат ўз ҳокимияти таркибида бош вазир лавозимини таъсис этиш тўғрисидаги ҳужжатга имзо чекди. Бундай қарорни сал аввалроқ, Фаластин парламенти маъқуллаган эди. Бўлғуси бош вазир ҳукумат вазирларини ишга тайинлаш ва бўшатиш ваколатларига эга бўлади. Мазкур лавозимга Ёсир Арофат Фаластин озодлик ташкилоти раҳбарларидан бири Маҳмуд Аббосни таклиф этиш ниятида, дейилади «Ассошиэйтед Пресс» ахборотида.

ТЕРРОРЧИЛАРГА ДАХЛДОР ЭКАН

Испанияда фаолият юритаётган коммунистик партия ҳаётида жиддий ўзгариш бўлди. Ҳукумат унинг қилмишларига чек қўйди. Зотан, бу партия террорчиликка дахлдорликда айбланди. Чунки, мазкур партия ПРАПО сўл экстремистик ташкилоти билан тифиз алоқада бўлган. Судья Балтасар Гарсон ўзларини коммунист деб атаган кимсаларнинг одам ўлдириш, банк, инкассаторларга ҳужум уюштириш, жиноятчи ва гиёҳванд гуруҳлар билан муносабатларини фош этди ва юқоридаги ҳукми чиқарди. Бу ҳақда «ИТАР-ТАСС» ахборот агентлиги хабар тарқатди.



Испания.

Шарҳловчи минбари

ИРОҚҚА ҚАРШИ УРУШ БОШЛАНДИ

АҚШ қуроли кучлари Ироққа қарши ҳаводан зарба берди. Бу ҳужум президент Жорж Буш Саддам Ҳусайнга берган икки кунлик ультиматум муддати тугагандан кейин бошланди. Талабномада Ироқ президенти Саддам Ҳусайн ўғиллари билан 48 соат ичида Ироқни тарқ этиши айтилган эди. Саддам Ҳусайн бу талабни бажармади.

Маълумотларга қараганда, дастлаб АҚШнинг Форс кўрфазидagi иккита сувошти кемаси ҳамда тўртта ҳарбий крейсерида Ироқ пойтахти Бағдодга қарата қирқдан зиёд қанотли ракета учирилган. Биринчи зарба Ироқнинг муҳим стратегик иншоотларини ишдан чиқаришга қаратилди. АҚШ ҳарбийларининг билдиришича, биринчи зарба чекланган миқдорда амалга оширилди. Ироқ ҳарбий иншоотларига ялли зарба яқин кунларда бошланади.

Айтиш мумкинки, БМТ Хавфсизлик кенгаши томонидан Ироқ бўйича қабул қилинган 1441-резолуция тўлиқ бажарилмади. Гарчи, БМТ нозирлари тўрт ой давомида Ироқда ишлаган бўлса-да, халқаро ҳамжамият кутаётган битта саволга аниқ жавоб олинмади. Ироқда оммавий қирғин қуроллари йўқ экани рад этиб бўлмайдиган маълумотлар билан тасдиқланмади.

Шу вақтгача АҚШ ва унинг иттифоқчилари Ироққа қарши ҳарбий ҳаракатлар охириги чора сифатида қўлланишини таъкидлаб келди. Унгача сиёсий музокаралар бир кун ҳам тўхтагани йўқ. Талаб эса аниқ эди. Ироқ ядровий, кимёвий ва биологик қуроллар ишлаб чиқариш дастуридан воз кечиб, бу ҳақда халқаро ҳамжамиятга ишонарли далилларни тақдим этиши

керак эди.

Таассуфки, бундай бўлмади. Бу эса Ироқ раҳбарияти халқаро ҳамжамиятнинг хоши-иродасини назар-писанд қилмаганини билдиради. Таъкидлаш жоизки, халқаро коалиция нафақат Ироқни қуролсизлантириш, балки Саддам Ҳусайн ўрнатган тузумни ўзгартириб, демократик ҳокимият қарор топтиришни ўз олдига мақсад қилиб қўйган. Бунинг учун Ироқ раҳбариятини ҳокимиятдан четлатиш энг мақбул йўл экани аён эди. Саддам Ҳусайн юритаётган сиёсат минтақа хавфсизлиги ва барқарорлигига таҳдид солаётганини инкор этиб бўлмайди.

Жорж Бушнинг Саддам Ҳусайнга мамлакатни тарқ этиши учун икки кун муҳлат беришига сабаб ҳам аслида шу эди. Бироқ Саддам Ҳусайн ўз хоши билан ҳокимиятдан кетмади. Аксинча, Ироқ халқини урушга рўбарў қилди.

АҚШнинг ҳаво зарбаси ва Ироқдаги вазият ҳақида турли хабарлар тарқатилмоқда. Масалан, 20 март куни эрталаб АҚШ кўшинлари Ироқ жанубидаги Умм-Каср портини эгаллагани хабар қилинганди. Кувайт махсус хизматининг маълум қилишича, порт АҚШ денгиз пийдалари томонидан эгалланган. Бироқ Кувайт радиоси Умм-Каср шаҳри атрофида жанглар давом этаётганини маълум қилди.

Кувайт-Ироқ чегарасида жойлашган АҚШ ҳарбийларининг билдиришича, Ироқ томонидан Кувайтга қарата замбараклардан ўт очилган. АҚШ кўшинлари ҳам жавоб қайтарган. Хабарда айтилишича, замбаракли дуэл Кувайтнинг Рутка нефт кони жойлашган ҳудудда юз берган.

Яна бир хабарда Басрада ўндан ортиқ нефт кони ёнаётгани айтилади.

Ҳарбий экспертларнинг таъкидлашича, уруш узоққа чўзилмайди. Чунки 1991 йилдан буён Ироқ армияси одам миқдори ва малака ҳамда ҳарбий техника жиҳатидан анча кучсизланиб қолган. Шу боис АҚШ раҳбарлигидаги коалиция зарбасига дош бера олмайди, деб қаралмоқда.

Саидмурод РАҲИМОВ,
ЎЗА шарҳловчиси.

ЎЗИДАН ҲАМ ХАВФИ ЁМОН

Жанубий-Шарқий Осиё мамлакатларида тез суръатда тарқалаётган касаллик «Осиё гриппи» деб аталмоқда. У нафас олиш йўллари ҳамда асаб тизимларини қаттиқ жароҳатлайди. Жаҳон соғлиқни сақлаш ташкилоти (ЖССТ) тарқатган махсус ҳужжатда ушбу дардга йўлиққан дастлабки хасталар ҳақида маълумотлар берилди. Жумладан, унда Франкфурт-Майн тайёрағида самолётдан туширилган бир неча киши шифоналарга ётқизилди. Торонтода эса Осиё сафаридан қайтган бир неча канадаликнинг вафот этганлиги ҳақида ҳам хабар берилган. Мазкур янги касалликнинг ўта хавфлилигини ҳисобга олиб, қатор мамлакатларда унга қарши даво топиш йўллари изланмоқда.



«ХОЛИ» ҚЎЙНИДА

Хиндистонда энг севимли ва катта байрам «Холи» деб аталади. Лекин, мунажжимлар бу йил мазкур байрам санасини аниқ айтиб бера олмадилар. Натижада Деҳли вилояти ва унинг атрофида ушбу байрам кенг нишонланди. Тантаналарга Уттар-Прадеш, Мадиҳия-Прадеш сингари минтақалар ҳам қўшилди. Шоду хуррамликка берилган одамлар бир-бирларининг устларидан катта миқдорда гуллар сочдилар, қўшиқлар айтдилар, рақсга тушдилар. «ИТАР-ТАСС» ахборот агентлиги мухбирининг хабарида ушбу байрам кенг шарҳланди.

АНЪАНАВИЙ ТУРНИР МОНАКОДА

Анбер деб аталмиш шохматчиларнинг 12 анъанавий турнири Монакода иш бошлади. Унда жаҳоннинг 12 нафар энг кучли гроссмейстерлари қатнашмоқда. Холландиялик миллионер Йон ван Остером турнирга ҳомийлик қилмоқда. Кечагача уч ўйин ўтказилди. Тезкор юришда россиялик Евгений Бореев олдинда бормоқда. У 2,5 очко тўплади. Венгриялик шохматчи Петер Локонинг имкониятлари ҳам чакки эмас.

ИЛОН ҚАНДАЙ КЎРАДИ?

Илонлар ўз ганимини излаб, ҳатто, тун қоронғусида 8-10 метр баландликдаги дарахларга, иморатларга ҳам чиқади. Ўлжани, албатта топиб, унга ўз захрини солади. Кейин эса захар асоратида ҳалок бўлиб, қулаб тушган ганимини дарахдан тушиб хатосиз топади. Ёки қалин ўт орасидаги қаламуш ва сичқонларни кўзга кўринмас майсалар орасидан бемалол ҳақиқий кўзлари, эшитиш ва сезги аъзолари билангина эмас, балки, табиат томонидан унга ато бўлган савки ёрдамида ҳам топади. Шунини айтиш керакки, бундай овлар кўпинча ёз ойларидagi тунларга тўғри келади.



Ажабо, уларнинг кўзлари-чи? Дарвоқе, илонларнинг кўзи фақат қимирлаган нарсаларни, фарқ қилади, холос. Қимирламаган нарсаларни у ажрата олмайди. Қулоғи эса паст тараққий этган бўлиб, жуда ёмон эшитида.

(ЖАҲОН ОММАВИЙ АХБОРОТ ВОСИТАЛАРИ ХАБАРЛАРИ АСОСИДА ТАЙЁРЛАНДИ).

АЛЛОМА ТАЪРИФИ

«Наврўзнама» рисоласи Ҳаким ат-Термизий қаламига мансуб бўлиб, ундаги муқаддимада Ҳаким ат-Термизийнинг барча фанларни эгаллаган катта уламолардан эканлиги, табиатни кузатиб, унинг барча сир-асрорларидан воқиф бўлганлиги, ўша даврдаги подшо ва деҳқонлар ҳам ҳар бир соҳада у билан маслаҳатлашиб иш тутганликлари ҳақида ёзилади. Маълум бўлишича, подшо ундан «Наврўзнама» рисоласини ёзиб беришини илтимос қилади. Ҳаким ат-Термизий ушбу вазифага киришиб, рисолага ўз тилидан «Наврўзнама»даги кўрсатмалар ҳеч қачон ўзгармайди ва рисола ўз қимматини абадий сақлаб қолади, деб битиб кўяди. Куйида ушбу рисоладан ҳафта кунлари хусусидаги парчалар келтирилди.

● Агар Наврўзи олам **ДУШАНБА** куни дохил бўлса (кирсан), Қамар (Ой)га тааллуқли бўлмай. Ул йил тўқлик бўлмай, неъматлар бисёр бўлиб, ёмғир кўп ёғмай. Ғўза, экин яхши

бўлмай. Кунжут, тарик, қўноқ миёна (ўртача) бўлмай. Аммо буғдой ширин бўлур. Қор ва ёмғир йилнинг аввалинда бўлмай.

● Агар Наврўзи олам **СЕШАНБА** куни дохил бўлса, Миррихга (Марс)га тааллуқли бўлур. Ул йил фараҳ (шод)лик бўлмай ва кундан-кун таомлар кўп бўлмай. Хайвонларга маъмурчилик бўлмай. Ул йил экинларни эрта экса, яхши бўлмай. Кечига офат теккай ва мевалар оз бўлмай. Йил охирида сел кўп бўлмай, ёмғир кам бўлмай. Бу йилда ҳам неъмат кўп бўлмай, нархлар арзон бўлмай ва гиёҳлар бисёр бўлиб, узум кўп бўлмай.

● Агар Наврўзи олам **ЧОРШАНБА** куни дохил бўлса, Аторут (Меркурий)га тааллуқли бўлмай. Ул йил қаҳатчилик бўлмай, аммо тезлик билан бартаф бўлмай. Полилар яхши бўлиб, мош, ловия, тарик, қўноқлар кўп бўлмай. Ул йил

илон, чаён, қуртлар кўп бўлмай. Савдогарчилик кўп яхши бўлмай. Аммо халойиқ орасида кўз оғриғи кўп бўлмай.

● Агар Наврўзи олам **ПАЙШАНБА** куни дохил бўлса, Муштарий (Юпитер)га тааллуқли бўлмай. Ул йил баъзи жойларда неъматлар кўп бўлиб, баъзи жойларда қор, ёмғир кўп бўлмай. Ҳунармандлар касбларидин хурсанд бўлмайлар. Ва дарёлардаги киштилар (кемалар)га саломатлик бўлмай. Савдогарлик ҳам яхши бўлмай.

● Агар Наврўзи олам **ЖУМА** куни дохил бўлса, Зухрога тааллуқли бўлмай. Ул йил фараҳ (шод)лик ва фаровонлик бўлмай. Ёмғир кўп ёғмай, совуқ қаттиқ, қиш узун бўлмай. Фалла сақла-

моқ керак, бозургонлик, савдогарчилик кўп яхши бўлмай. Ул йилда нархлар арзон бўлиб, неъмат кўп бўлмай.

● Агар Наврўзи олам **ШАНБА** куни дохил бўлса, Зуҳал (Сатурн)га тааллуқлидир. Ул йил ёмғир кўп ёғмай. Кузги экинлар яхши бўлиб, мевалар камроқ бўлмай. Йил охирида совуқ қаттиқ бўлмай, қиши узок бўлмай.

● Агар Наврўзи олам **ЯКШАНБА** куни дохил бўлса, Шамс (Кўёш)га тааллуқли бўлур. Ул йил неъматлар кўп бўлиб, тўқлик бўлмай, фитнес ва ёмонлик оз бўлмай. Экинларни эрта-роқ эмак керак. Ғўзалар, тоғлардаги полилар ва экинлар яхши бўлмай. Деҳқонларнинг экинлари битмай.

БОБУРИЙЛАР МЕРОСИ ЛОНДОН МУЗЕЙИДА

Лондоннинг Виктория ва Альберт музейида «Ҳамза саргузаштлари» номли тасвирий санъат асарлари кўргазмаси очилди. Унда Бобурийлар сулоласи маданий мероси дурдоналаридан бири ҳисобланмиш «Ҳамзанома» китобига киритилган 68 нодир тасвирий санъат асарлари илк маротаба намойиш этилган.

Мазкур суратларда «Ҳамзанома»да тасвирланган қаҳрамонлик ва сеҳргарлик, матонат ва садоқат, афсонавий махлуқлар ва ғўзал маликалар сиймолари ўз аксини топган.

«Ҳамзанома» 1557 йилда бобокалонимиз Бобурнинг невараси Акбар Шоҳ хомийлигида яратилган бўлиб, уни тасвирий безаш жараёнида юздан зиёд расом ва мусаввирлар ўн беш йил мобайнида иш олиб борган. Афсуски қўлзмага киритилган 1400 суратдан фақатгина икки юзга яқини шу кунларгача сақланиб қолган.

Музей Осие бўлимнинг масъул ходими Сюзан Стронг ушбу ноёб кўргазма Бобурийлар сулоласининг буюклиги, уларнинг нафақат оқил ҳукмдор, балки ҳақиқий ижодкор, илм фан ва санъат ҳомийлари бўлганидан далолат беришини таъкидлади.

Дастлаб АҚШнинг Смитсониян музейида намойиш этилган ушбу асарлар Лондондаги уч ойлик кўргазмадан сўнг Цюрихнинг Рьетберг музейига йўл олди.

Мардон Ёқубов,
«Жаҳон» АА, Лондон.



СУМАЛАКЖОН, СУМАЛАК

Халқимиз орасида сумалак пишириш билан боғлиқ ғоят қизиқарли анъана ва удумлар бор.

Сумалак баҳорнинг энг мўтабар, энг тансиқ ва шифобахш таоми ҳисобланади. Уни асосан аёллар тайёрлаб, қозон атрофида суҳбатлар қуришган, лапарлар ва эртақлар айтишган.

Давраларда турли чистонлар айтиш, шеърхонлик, ҳазил-мутоиба, уйин-кулги сумалак пишгунча давом этган.

Дастлаб сумалакни арпа кўкатида тайёрланганлар, ёзишларича, Мухаммад алайҳиссалом «Арпа уни тансиқ таомдир. Танангизнинг қуввати қочганда, уни кўпроқ тановул қилинг» деган эканлар.

Тонга яқин сумалак қайнаётган қозонни кавлаётган момоларни уйку элтиб, улар пинакка кетган пайтда осмону фалақдан учиб келган малоикалар қозонга туз ташлаб кетар-

миш. Сумалакка туз солинмаслигининг боиси шунда эмиш.

Сумалак пишириладиган куни ҳамма оҳорли кийим кийган. Янги кийим тикиб киёлмаган киши жимжилоғига тоза мато бўлагини боғлаб қўйса ҳам савобга ўтади, дейдилар.

Наврўз дастурхонига етти хил дарахт шохидан намуна келтириб қўйилади. Улар: мажнунтол, зайтун, беҳи, анор, бодом, pista ва ёнғоқдир. Шулар қаторида қатик, суг, пишлок, тухум, балиқ ва ёниб турган шам ҳам қўйилган.

Наврўз арафасида кексалар махсус идишларга етти (7) хил дон экиб, уларнинг униб чиқишига қараб кузда олинадиган ҳосил чўгини чамалаганлар: агар дон бир текис, беҳато униб чиққан бўлса, бу серҳосил ва баракали йилдан нишона, деб ўйлаганлар.

Тиллохон НОСИРОВА,
тадқиқотчи.

КОИНОТНИНГ РАНГЛИ ЖИЛВАСИ



1. Умар Хайёмнинг Наврўз байрами ҳақидаги асари. 2. Мураккаб гуллилар оиласига мансуб, яп-

роқлари шифобахш гиёҳ. 3. Азиз неъмат. 4. Дарахтнинг ёш, бутқисиз тармоғи. 5. Халқимизга хос ҳозиржавоблик сўз ўйини. 6. Деҳқончилик асбоби. 7. Шамсий йил ҳисобида янги йилнинг бошланиши. 8. Буғдой ва ундан тайёрланадиган холвайтарсимон таом. 9. Коинотнинг рангли жилваси. 10. Ҳашарот гуллар ошиёни. 11. Баҳор дарақиси, тез учар қуш. 12. Табиий равишда ўсадиган гулли ўсимлик. 13. Баҳорда кўкатлар солиб тандирга ёпиладиган таом. 14. Мехнаткаш ҳашарот. 15. Наврўз таоми. 16. Сумалакнинг буғдойдан тайёрланадиган масаллигининг кўриниши.

Тузувчи: Шавкат
ҲИДОЯТОВ.

Bolalik bog'i

KABUTARGA AYLANAR

*Ko'chamizni to'ldirib boshga,
Qush uchirar bolalar shodon.
Orzulari aylanib qushga,
Qush bozori bo'libdi osmon.*

*Tinim bilmay, bilmayin orom,
Kulgulari ko'kni titratib.
Qiyqirishar bolalar xurram,
Shodliklarin samoga otib.*

*Moviylikning bag'rida qushlar —
Temirqanot orzular uchar,
Kechalarni tilgandek uchqun...*

*Nazarimda, bu qog'ozqushlar —
Shamollarni mingan orzular —
Kabutarga aylanar bir kun.*

Abdulxay NOSIROV.



Қулганга
ҲИМА
ЕТСИН!

Тўй пайтида куёв безовта: янги туфлиси қисаяпти. У тезроқ тўйнинг тугашини кутаяпти.

Шунда келин дебди:
— Азизим, тўй тезроқ тугаса-ю, икковимиз ёлғиз қолсак...
— Нега, жонгинам? Сизнинг ҳам туфлигингиз қисаяптими?

Эри ишдан қайтиб, ечиниби, шиппақларни кийиб, креслога ўрнашиб, телевизорни ёқиб, футбол кўра бошлабди. Шу пайт хотини кулиб туриб дебди:

— Мен ҳисобни биламан. Ҳали радиодан эшитдим. Айтмайми?

— Эшитган бўлсанг, жим ўтир! Хўпми? Мен ўйинни кўриб, ўзим билиб олмоқчиман.

— Кўрсангиз кўраверинг, ҳолаганингизча... Барибир ҳеч ким гол ура олмайди.

ТОШКЕНТ ҲАҚИҚАТИ
ТАШКЕНТСКАЯ ПРАВДА

Муассис
ТОШКЕНТ
ВИЛОЯТИ
ҲОКИМЛИГИ

Бош муҳаррир
Фатҳиддин
МУҲИДДИНОВ

Телефонлар:
Хатлар ва оммавий
ишлар бўлими: 133-40-48.
Эълонлар:
133-70-10, 136-53-80.

Манзилмиз:
700000, Тошкент
шаҳри, Матбуотчилар
кўчаси, 32.

Ўзбекистон Республикаси Давлат
матбуот қўмитасида 8 рақами
билан рўйхатга олинган.

Газета «Тошкент ҳақиқати»
тахририяти компьютер
марказида терилди ва
саҳифаланди.

● Эълон ва билдирув-
лардаги факт ҳамда далил-
ларнинг тўғрилиги учун
реклама ва эълон берув-
чилар масъулдир.